

CHINESE-JAPANESE COLLECTION  
HARVARD COLLEGE LIBRARY  
FROM HARVARD-YENCHING INSTITUTE

MAY 14 1932

Ch. 8908<sup>7</sup>/4914

7919.01



新鐫繡像旁批詳註總斷廣百將傳卷之十九

古閩黃道周石齋註斷

長洲陳元素孝平原本

後學周亮輔猷菴增補

姚廣孝



姚廣孝長洲人少祝髮為僧名道衍字斯道已又不

學佛而好讀兵書曾遇異人授占術輒為人決休咎

洪武中高皇帝分封十子成祖封燕王道衍乘間請

順已看定

謁曰大王骨相非常英武冠世今皇圖草昧東宮仁

柔願厚自愛大王試乞臣府中當奉一白帽與王戴



蓋王上加白其文皇也。成祖已稔知道衍亦欲得道。衍會高皇后崩帝命王與一名僧誦經念佛修齋成。祖遂乘機請道衍去。後高皇帝崩建文卽位齊黃用。事逼執伊周齊谷削爵爲庶人。湘獻王自燒死事且。至燕燕王懼甚因憶道衍言而召之。入卜道衍遂借。卜而說燕王曰主上猜間宗室侵漁齊籓所戮辱囚。首隸士伍者蓋五王矣。大王先帝所最愛也。且又仁。明英武得士衆心。主上激之力所最忌也。夫燕勝國之遺而。北方雄鎮也。其民習弓馬地饒棗栗若悉雉薊屬郡。

之材官良家子。穀甲可三十萬粟支十年。大王之護。衛精兵投石超距者又不下一二萬。鼓行定山東略。河南此勢若建瓴而下。誰能抗禦。大王若不南。然機。已發。欲高卧得耶。日暮匹夫耳。臣竊謂大王卜之心。知○心○之○論○與臣卜無異也。燕王初猶拒之。及朝廷責燕益急。燕王遂召道衍入便殿密議。或歎息泣下。道衍曰天之。所興誰能廢之。燕王因問師期。道衍曰未也。俟吾助。者至。又問助者何人。曰吾師。又數日乃請曰可矣。燕王遂謀召張昺謝貴等宴設伏斬之。遣張玉朱能攻。



克九門出祭纛見披髮而旌旗者蔽天燕王問道衍  
曰何神道衍曰嚮固言之吾師神道設教北方之將玄武也燕  
王因披髮仗劍應之兵初起暴風雨燕王不悅道衍  
曰飛龍在天從以風雨元吉也燕王師行後道衍及  
郭資等奉獻陵居守日夜備禦南兵至攻城設伏截  
其後城上呼噪伏發急開門夾擊大敗南兵去又夜  
繼死士下城劫南兵或遣數十人遠伏草莽間夜舉  
火鳴砲驚南兵不得休息輒出精兵奮擊敗之盡焚  
九門諸柵寨燕王軍中有聞見異事及兵進止輒緘

書飛騎問師師盡條荅兩去並中機宜靖難後立爲  
左善世復姚姓賜名廣孝立東宮陞太子少師帝令  
蓄髮再三終不肯嘗賜兩宮人逾月不近亦不辭帝  
乃召還未樂十六年來朝北京寓慶壽寺病車駕直  
臨視卒贈少師榮國公謚恭靖

斷曰

姚師廣孝人中之英雖云祝髮借佛論兵高帝十  
子燕具龍形一眼覷定故請從行先奉白帽後卜  
言情既知心动方細奏明激之兵起促之進征不



出所筭帝業果成雖加少師亦是虛名大都應運自是天生

劉江

劉江宿遷人從靖難兵興適遼東時守將楊文引兵

各各劉州遵化諸郡縣帝急遣兵率衆趨永平

謂之曰爾至永平敵必遁歸山海勿追之是以利而第聲言

還北平必復來侵爾速出擊之必大獲江如言果敗

誘之也

東兵于昌黎斬首數千級建文三年七月平安自真

定率兵攻北平營于平村離城五十里擾其耕牧世

子督衆固守帝聞北平被圍召江問策江慷慨請行

因與帝約曰臣至北平以砲響爲號一次砲響則決

圍二次砲響則進城若不聞第三次砲響則臣戰死

矣臣若入城中既聞救至則守城軍士勇氣自倍則

令軍士人帶十砲俟三次砲響之後爲殿者放砲常

不絕聲則遠近皆謂大軍至平安必駭散矣江遂進

兵與安戰悉如其策乃大敗之永樂十七年江爲左

都督鎮守遼東巡視諸島相度地形以全州衛金線

島之望海嶋地高可望諸島寇所必由實濱海襟喉



之地請築城堡立烟墩瞭望一日瞭者曰東南夜舉  
火有光江計寇將至亟遣馬步官軍赴塢上小堡備  
之令犒師秣馬略不為意以都指揮徐剛伏兵于山  
下百戶姜隆帥壯士潛燒賊船截其歸路乃與之約  
曰旗舉砲鳴伏兵奮擊不用命者以軍法從事翌日  
倭賊二千餘人乘海鱸直逼塢下登岸魚貫而行如  
入無人之境江披髮舉旗鳴砲伏兵盡起為兩翼而  
進賊大敗橫屍草莽餘眾奔櫻桃園堡中官軍環而  
攻之將士欲入堡殺而江不許故開西壁以縱之

仍分兩翼夾擊生擒數百斬首千餘級有脫去入鱗  
者盡為隆所縛無一人得免師還諸將請曰明公見  
敵意思安閒惟飽士馬及臨陣披髮而戰追賊入堡  
不殺而縱走之何也江曰窮寇遠來必饑且勞我以  
逸待勞以飽待饑固兵家治力之法耳賊始魚貫而  
來成長蛇陣形故披髮作真武勢以鎮服之雖愚士  
卒之耳目亦可借以壯氣賊既入堡有死而已我師  
攻之彼必死闢我兵寧無傷乎故縱之出路而後掩  
擊之即圍師必缺之意耳此皆兵法諸君未察也捷



聞進封廣寧伯。先是倭寇出沒海上，燔民居，掠貨財，殺擄人口。凡沿邊無歲不受其害。及爲江所挫，寇患屏息者數十年。及卒，人思慕之，謚忠武。

斷曰

大將劉江從燕靖難，師圍北平，馳救不憚，約砲三聲，圍兵解散，進戰勝之。果如其筭。倭犯海城，先已瞭探，伏兵待來，潛師截斷，倭二千被誅大半。餘逃櫻園，轉逼其窳，細論兵機，一合案爲將若斯，一時獨冠。

王驥

王驥字尚德，東鹿人。永樂四年成進士，爲人剛毅，有膽曉暢。戎機嘗奉命山西，奏蠲鹽池逋課二十餘萬。人皆德之。滿九載，進兵部尚書。時西兵阿台、朶兒只伯數侵盜甘涼諸邊，掠殺吏人。總兵任禮、蔣貴等勢敵不相下，狐疑莫發。於是驥輟部務，行邊奉詔一切便宜行事。時都指揮安敬爲偏將，驥而怯。都督蔣貴都御史曹翼追兵至魚海子，已將及之。而安敬謂前途無水草，不可進，遂引還。驥察知而故秘之。旣至而



大會諸將方就坐。忽揖敬下曰：兵貴進獲，汝奈何逗撓誤大事？遂命斬敬。復謂貴曰：公亦當死。今日責狀以報。於是諸將士股慄莫敢仰視。驥乃請分兵畫地，各自鎮守。約以賊小至則各自戰，守大至則併力拒敵。軍勢遂大振。尋又詔驥進討阿台。朶兒只伯驥謀知敵營狼山等處，乃選精騎授蔣貴，使爲前鋒。任禮爲將軍，以大軍繼之。且與貴約曰：勉旃，不能成功無相見也。貴感奮，直前搏敵，敗之。敵渡黃河遁去。貴等追敗之於名城，獲金銀璽印各一，駝馬兵甲以千。

計朶兒只伯與阿台以數騎遁，尋暍死。而任禮兵亦至，又共窮追五百餘里，至黑泉降其部落數十帳，而還。捷聞，各加爵賞。尋詔驥還理部事。旣而麓川宣慰司思任發叛，雲南總兵沐晟數討不利，遂至憂死。而刑臣何文淵援舜舞于羽格苗事，請使使撫諭。驥因議以天下全盛而示弱于舊屬小夷，非策。時中貴王振方柄國，喜功名，遂繼文淵說而命蔣貴爲平蠻將軍，驥總督軍務。大發諸鎮兵合十五萬討之。驥馳傳至雲南，奏上方略，請遣冉保等由東路直取孟定而



大軍由中路至騰衝與保會俾賊腹背受敵從之。驥等抵金齒其別酋陶孟刀門捧以鎮康降遣冉保等率輕兵五千受之。因其衆破昔刺寨進攻孟通而驥等以兵二萬水陸攻上江敗其伏兵遂進圍上江寨。發火有時副總兵劉聚等兵亦至因風焚其排柵遂大破之殺其將刁放。曼刁招漢父子及虜刀門瑱斬馘五萬餘級。上江平又由夾象石渡下江直抵木籠山連破其七寨又破其象陣進圍麓川縱火焚其門俘斬及溺者數萬人。思任發夜携其二子走孟養驥以大捷聞。

會維摩州賊韋郎羅自稱廣新王以叛因詔驥旋師討之。驥曰此不足血吾刃也。方遣偏師壓其境曰王○非○平○月○威○名○何○以○得○此

尚書大兵至矣。賊大潰。韋郎羅走安南傳檄捕之。安

南王懼斬其首來獻師旋上遣大臣迎勞之。既入見慰勞有加。後思任發子思機發復反。孟養驥又督諸軍討之。師抵金沙江賊柵西岸以拒。驥造浮梁渡兵攻破之。乘勝追至孟養賊斂衆拒險爲寨。我師皆攻破之。斬獲無算。思機發竟失所在。孟養在金沙江西去麓川千里。諸酋皆驚曰自古漢人無渡金沙江者。



今王師至此。真天威也。驥威名雖甚著。然卒不能得其渠魁。天順四年卒。贈靖遠侯。謚忠敬。

斷曰

尚書王驥奉詔行邊。指揮安敬。驥怯斬焉。軍勢大振。莫不爭先。謀敵犯境。蔣貴檄前任禮繼後勗。其勉旃。若功不立。相見無年。衆力感奮。一戰赫然。黃河蔽遁。追至黑泉。俘以千計。斬獲十全。捷聞還部。再討麓川。東西乘隙。腹背搗堅。破其七砦。俘溺萬千。任發機發敗。逃若烟。渠魁雖失。天威大宣。文臣

出討。殊足稱賢。

于謙

于謙字廷益。杭州人也。七歲時。蘭古春善相。見而大奇之。曰。此兒異日救時宰相也。十六補邑諸生。時按察僉事行學。督諸生過峻。爭噪而摘之。方詎攘間。僉事忽墮泮宮池。諸生皆驚走。謙獨前掖之。起僉事。怒乃欲以罪歸謙。謙徐對曰。噪公者走。不噪公者留。此易曉也。今不罪噪公者。猶可。而因以罪接公者。其謂何。僉事慚而止。而謙由此顯名。年二十三。成永樂十

便見才情權變



九年進士拜監察御史風骨秀峻吐音鴻鬯每奏對上必爲之傾聽按江西辨誣獄寃死者出數百人後議增補各部右侍郎上手書謙姓名下吏部遂超拜兵部右侍郎時年僅三十三嘗輕騎自河內歷太行而盜有窺者謙厲聲叱之皆大驚散走曰不知爲我公也當入朝議事人謂卽不橐金以往豈無一二士物充交際耶謙笑而兩舉其袖曰吾惟有清風而已時中貴王振勢張甚以謙無私謁嗾之勒人廷劾謙下法司論斬繫三月振悔無謂乃托詞曰吾嘗見一

恢○諧○亦○見○權○宜○

故御史名若干謙者恣甚欲治今乃非此于謙耶赦之未幾仍復兵部右侍郎正統十四年秋敵也先入寇時王振喜功遂挾上下詔親征謙與尚書鄜堃上言也先醜豎子耳諸邊將士足以制之陛下爲宗廟社稷主奈何不自重奉以與犬羊角乎上不聽堃乃從治兵而留謙治部事車駕至土木蒙塵報至京師大震時皇太子冲幼不能監國太后乃命郕王攝政王御左順門時中外臣咸恨振而欲食其肉請用反法罪其家奏未竟而振黨錦衣指揮馬順遂妄傳王



旨欲叱衆退給事中王竑起而直前擒順曰此翼虎者也今日猶敢爾衆臣爭捶之立死又捶二閣之嘗私振者死時衛卒聲洶洶王懼欲退諸大臣皆披靡有趨匿者謙獨便見將略直前掖王具啓王下令捶順與二閣死者義激無罪復請皇太后降旨族振并籍馬順家衆始退郕王既卽位以謙爲賢進謙兵部尚書內外倚之爲安謙因慷慨泣奏曰敵得志挾我大駕勢必長驅而南今軍實武庫俱盡矣司馬宜急分道募兵及留漕兵自益司空宜蒐乘繕械九自要地宜令都

督分守凡兵皆出營郭外毋令避而示弱郭外之民皆徙入內安插毋令失所而囂通州倉諒不能守委以與敵則非筭宜今官軍皆豫給一歲祿俸聽其自運敵所急者草諸厰所積宜聽軍稱力取之不盡則焚之毋以飽敵馬石亨楊洪材勇可用請赦之與安遠侯柳溥爲大帥而身總其機宜進止不效則治臣之罪以謝天下上皆嘉納之旣而敵信益急侍講徐瑄好言天象力言紫薇中宮俱有變必反故都而後吉而二三大臣復依違其間縉紳士人又多遣其私



歸謙乃慟哭廷諍曰京師天下之本宗廟社稷山陵  
在此百官萬姓帑藏庾廩萃此此而不守去欲安之  
今日足一動明日大事去矣宋之南渡非前鑒乎且  
敵乘勝而驕實不足畏上聞之稱善遂一聽其處分  
十月也先以送太上皇還京爲名入寇紫荆直窺京  
師石亨欲閉九門自守謙曰是示弱也乃躬擐甲胃  
以大義泣諭六軍由是人人感情及也先逼城謙與  
石亨設伏敗之又譟知上皇駕遠夜復以火炮擊其  
營死者甚衆也先大沮衆請進擊謙曰勝不足以削

恥萬一不捷所損實多况上皇在其中不可不慎因  
請大書聖旨榜文潛遺敵營論回達奚漢有熊擒斬  
也先來獻者賞萬金封國公以疑其心敵知有備又  
城外無所掠遂引去論功加少保總督軍務大同叅  
將乞與之和事下兵部謙力言其不可曰中國與敵  
有不共戴天之仇和則背君父而忘大義於理不可  
和又敵貪而多詐和議行而有無厭之求從則坐斃  
違之則生變於勢不可和苟以強敵難制姑和以緩  
其兵則宋澶淵盟後國勢陵夷無救于敗則和議之

○決○不○南○遷○國○是○始○

○不○易○之○論○



不足明矣。今惟選將練兵，養威蓄銳，賊侵則相機而  
勦，殺賊遁亦不貪利而窮追可也。若遣使求和，則示  
敵以弱而啓輕侮之心，萬萬不可。上嘉納之。謙又言  
也。先屯聚敵衆，迫我邊疆，若不豫爲設法，選練則軍  
不識將意，將不識軍情，必不能爲用。請選馬步軍一  
十五萬，分爲十營，俱聽臣往來提督。如有聲息，互相  
策應，征勦臨敵，必能成功。詔曰：可。團營之設，自此始。  
大監喜寧故俘敵也，下蚕室，入中貴，土木敗，因降也。  
先遂以中國虛實告之，而凡敵之入寇，皆喜寧爲鄉導。

謙因言不早除喜寧，敵知我險易虛實，定反覆不可  
禦。因密以計授楊俊，擒喜寧，誅之。此後也。先方悔禍  
奉，上皇還京師。初，木樂開，韃敵來降者，多安置于河  
間、東昌等處，生養蕃息，驕悍不馴，當也。先入寇之際，  
皆乘機騷動，幾至不可收拾。會發兵征湖廣、貴州，苗  
寇謙奏，造其有名號者，厚與賞犒，隨軍進征。及事平，  
遂請留于彼數十年，積惡一旦潛消。識者稱快。貴州  
苗寇久不平，侍郎何文淵欲請罷二司專設都司，而  
以大將鎮之。謙曰：不設二司，是夷之也；夷之何以通



滇。隸。道。且。無。故。而。棄。祖。宗。所。設。地。不。祥。事。遂。寢。當。是。時。浙。閩。則。有。鄧。茂。七。葉。宗。留。廣。則。有。黃。蕭。養。又。有。獐。獐。苗。獐。處。處。蜂。起。前。後。命。將。將。兵。皆。出。謙。意。號。令。明。審。動。合。機。宜。故。天。下。咸。服。太。上。既。歸。上。奉。之。南。城。又。欲。易。皇。太。子。謙。以。非。所。職。不。敢。爭。七。年。上。不。豫。石。亨。與。中。貴。人。曹。吉。祥。等。奪。南。城。門。迎。太。上。皇。復。辟。自。以。為。功。因。嗾。言。官。劾。謙。盜。金。符。迎。立。襄。王。為。帝。坐。以。謀。反。極。刑。鍛。鍊。然。無。顯。跡。可。據。謙。笑。曰。亨。等。意。欲。死。我。辨。之。何。益。既。奏。上。帝。猶。豫。曰。于。謙。實。有。功。若。何。時。徐。

程。改。名。有。貞。而。與。亨。比。凶。前。曰。不。戮。謙。此。舉。為。無。名。謙。遂。論。棄。市。籍。其。家。自。上。賜。外。無。長。物。謙。死。之。日。陰。霾。翳。天。行。路。嗟。嘆。吉。祥。麾。下。有。達。官。朶。耳。者。以。一。觴。酌。地。而。慟。吉。祥。恚。朴。之。明。日。復。酌。慟。如。故。未。幾。西。北。邊。報。甚。急。上。憂。之。恭。順。侯。吳。瑾。侍。進。曰。于。謙。若。在。不。令。敵。若。此。上。為。之。默。然。既。而。徐。有。貞。下。獄。流。金。齒。亨。下。獄。庖。死。曹。吉。祥。族。成。化。二。年。謙。子。于。冕。上。疏。白。冤。上。憐。而。復。其。官。并。還。沒。產。賜。祭。有。云。當。國。家。之。多。難。保。社。稷。以。無。虞。惟。公。道。而。自。持。為。權。奸。之。所。害。在。先。



帝已知其枉而朕心實憐其忠天下誦而稱之弘治特贈太傅謚肅愍萬曆改忠肅

斷曰

于謙正臣大有權術出按江西辨明冤獄進謁權門清風拂拂上木蒙塵京師兀兀中外慌張群臣鶻突請立邸王江山手握選將留兵九門保室豫支飽兵焚芻馬黜城外立營不爲少怵或請南遷謙力衆拂幸帝察忠計聽謙出借送上皇來如無物遇伏敗歸方驚有律鎮定大功實實難沒但惜

南城於禮稍失君死臣誅事亦非屈

郭登

郭登字元登英之諸孫也永樂中充勳衛正統七年從王驥征麓川有功九年從沐斌征騰衝有功陞都指揮僉事十四年敵人塞急進都督僉事守大同會上親征全軍覆沒倉卒議班師登告學士曹鼐曰駕宜從紫荆關人乃忍東折向居庸關纔四十里敵突至上遂北狩是時大同堡塢蕭條城門晝閉人心洶洶登雖處危疑而氣益壯慷慨自奮修城繕兵拊循



士卒衆皆感奮八月敵擁上皇至城下索金帛詐言  
有識不爲敵所愚却忘日後之責  
歸駕登閉門不納上皇曰朕與登有姻何外朕若此  
登遣人奏曰臣奉朝廷命守城不敢擅啓閉竟不出  
霍瑄等出見獻上皇金幣及約賄往敵笑不應竟擁  
駕去十月敵以和爲名入犯京師登欲師所部兵并  
糾集忠義從雁門入援先以蠟書馳奏請悉起各處  
官軍民壯入護闕庭京兵擊于內臣兵擊于外使彼  
腹背受敵首尾不救奏至敵已退優詔褒荅時論壯  
之十二月敵欲復犯京師登以京兵新選不可輕發

又上疏曰今日之計可以養銳不可浪戰可以闔智  
不可闔勇其涑水易州真定保定一帶皆堅壁清野  
京兵分據犄角安營以逸待勞以主待客勿求僥倖  
務在萬全此謂不戰而屈人之兵善之善者也景泰  
元年謀報敵入朔州敵自屢勝以來出入自由竟莫  
與拒登不勝忿晝夜激勵將士定爲賞期必殺敵而  
後已及是得報遂率兵躡之行七十里至水頭日暮  
休兵夜二鼓報云二十里東西沙窩敵營十二皆自  
朔州搶掠而回者登召將士問計皆言彼衆我寡莫



若全軍而返。登曰：我兵去城已百里，若一退避，人馬疲倦，彼以鐵騎來追，雖欲自全，得乎？因卽按劍曰：敢言退者，斬。徑薄敵營，天漸明，敵以數百騎迎戰。登奮勇先進，諸軍繼之，呼聲震山谷，遂大破之。追奔四十餘里，斬敵首二百餘級，奪回人馬器械以萬計。時登○是○能○以○少○擊○衆○僅八百騎，破敵數千，爲一時戰功第一。賜勅褒美，進封定襄伯，登爲將，智勇善撫士卒，紀律嚴明，料敵制勝，動合機宜。初至大同，士可戰者不及數百，馬止百餘匹。不數年，馬至萬五千匹，精兵數萬人，與彼相拒。

大小數十戰，未嘗挫衄。嘗以已意設爲攪地龍飛天網等法，鑿爲深塹，覆以土木，人馬通行如履實地。及彼入圍中，令人發其機，自相擊撞，頃刻十餘里俱陷。○設○險○亦○得○又用砲石擊敵，一發五百餘步，人馬死者數十。敵相傳以爲神。上皇天順元年，謫戍甘州，初上皇陷敵也。先以復駕爲名，逕逼京師，于謙使人謂之曰：賴宗廟社稷之靈，中國已有君矣。及駕至大同，登言亦如之。蓋權辭以沮狡寇之謀也。上皇啣之，故有是謫。未幾召還，充圍營總兵。入年卒，贈侯，謚忠武。



斷曰

郭登變後死守大同。上皇擁至。借道入攻。守城爲重。安敢妄通敵。笑而去。無以表忠。晝夜激勵。必刃敵。曾忽報敵過。緊躡其踪。彼衆我寡。或請避鋒。登曰。若避城遠。誰容敵騎。後蹙死。不英雄。何不血戰。以成大功。因而奮勇。直撞橫衝。斬獲無算。敵寨一空。捷奏天子。褒美定封。上皇復位。謫去匆匆。爲人臣子。難保始終。

韓雍

韓雍字永熙。吳人也。弱冠舉進士。選授監察御史。出巡江西。衆猶謂雍年少。未經事。雍抵鎮。振刷精彩。經措宏大。後先皆弗如也。成化二年。廣西徭酋侯大狗倡亂。蔓延廣東高雷廉之境。所至殘毀。守臣不能制。兵部尚書王竑薦雍智勇過人。宜任討之。遂擢爲僉都御史。同將軍趙輔往討之。兵至南京。衆議欲分江西軍及達官從遊。擊由庾嶺入廣東。大軍則從湖廣入廣西。以賊在廣東。宜逐之。在廣西。宜困之也。雍曰。不然。兵有聚而爲正。亦有分而爲奇。今廣西已無完



郡而大藤峽為賊巢穴。不是之圖而趨其末，則賊愈奔矣。汗漫郡縣愈殘，毀是救火而噓之也。未見其能濟苟全師至彼南，可以攻大藤峽。援高雷廉東，可以應南詔。西可以取柳慶北，可以斷陽峒。諸路譬如常山之蛇，動無不應。腹心既潰，諸處之賊假息游魂耳。何須逐乎？且軍志曰：兵貴神速，不貴巧。久又何泥于困乎？將軍趙輔知雍才，軍士一聽之，雍于是督大兵兼程進擊，直抵大藤峽。道有儒生里老數百人，詭持香曰：我輩苦賊久矣，今日幸遇天兵，得生為良民，願

先三軍鋒雍大怒，顧左右叱曰：此皆賊耳，縛斬之。左右初猶疑，既縛而袂中利刃出，乃悉斷頭，散手足，剗腸胃，分挂箐棘中。賊見而大驚，沮曰：韓公天威也，遂大破之。前後斬獲四萬有奇，進擣大藤峽，覆其巢穴。其中盤亘數百里，山澗險阻，有崖名九層樓，尤為斗絕。官軍直抵其上，磨崖紀歲月而還。復斬峽藤，斷之。示威易名斷藤峽，以志武功。自是蠻夷畏懼，兩廣寢安。捷聞上，大嘉賞，雍功。卽軍中拜左副都御史。雍威嚴擬王公，盡法繩下，不貸。以故謗議遂起。內臣黃沁忌公

洞斬傷形不戰已屈



縛束不得肆。嗾人上書誣公。上遣使即訊。雍引疾乞歸。卒年五十三。謚襄毅。

斷曰

韓公末熙。經措宏大。命征大藤。腹心直破。絕不分兵。小爲之挫。趙輔主軍。甘心爲佐。火速進兵。如風雨過。里老儒生。道迎而賀。雍曰。奸人縛誅。毋情搜証。藏鋒方知。不錯斷首。屠腸懸林。以播賊見。震驚敗走。無那直覆其巢。紀功崖磨。自此夷蠻。強變爲懦。遠近黎民。貼席而卧。功大忌多。讒人附和。引疾

乞歸。苦辛誰課。

馬文昇

馬文昇。字負圖。河南鈞州人。登景泰二年進士。歷官山西湖廣。所至發奸摘伏。皆有神君之稱。成化四年。固原土夷滿四。據石城以叛。擢文昇巡撫陝西。與總督項忠帥兵討之。進至固原。賊據石城之險。先是官軍屢戰不利。忠督兵敗之。賊堅壁不出。文昇言于項忠曰。聞賊城中無水。芻粟亦漸乏。若絕其樵汲。則釜魚當自斃矣。忠以爲然。令官軍堵窒其水源。又掩捕



樵汲者詰之。乃知城中正艱于水。卒用坐困之策。擒四斬之。八年七月。北敵寇臨洮。鞏昌文昇遣兵敗之。追至黑水口。斬首數千級。擒其平章迭列孫。命兼總制三邊。九月。敵復寇韋州。深入至好水川。文昇復縱兵破之于湯羊嶺。敵敗走。盡棄輜重。俘斬二百餘級。因改其嶺爲得勝坡。勒石以紀。十四年。建州女直復叛。巡撫陳鉞欲誘殺進貢夷人。以掩已過。由是東夷譁懼爲亂。上命文昇撫勦。時汪直恃寵倖功。陰主鉞議。欲邀文昇偕行。文昇弗聽。疾馳至鎮。撫黑鎖忒等。

二百餘人。比直至。敵已散矣。無所解。淡啣之。鉞行事乖方。每被文昇更置約束。不得逞。亦恨之。及直巡邊。鉞懼見罪。戎服遠逐。除道飾厨。供帳解備。賄托廉從。而文昇獨與直抗禮。奴視其左右。左右多譽鉞而詆文昇。鉞復乘間毀之。直還奏文昇妄啟邊釁。女直建州諸敵皆以文昇禁不與農器。故屢寇塞。文昇遂下獄。謫戍。然所禁乃鉄器。非農器也。士論惜之。已而直敗。鉞亦敗。文昇得雪。復官左副都御史。巡撫遼東。士卒聞文昇復至。皆鼓掌喧舞。蓋文昇至是凡三度遼。



矣多有惠政故東人至今思之旋入爲兵部尚書會  
貴州都勻苗叛守臣請合三鎮兵討之文昇念天下  
方困于兵以爲不可惟遣官勘處卒無他也未幾敵  
小王子以數萬騎駐大同邊外勢洶洶屬文昇有小  
疾上使中貴人挾醫視文昇疾賜上尊饋饈因問計  
文昇謂此敵方敗于他部勢已絀無能爲也請密爲  
之備而揚聲逼之敵果徙去安南侵奪占城五州地  
占城請命官往問其罪文昇上言春秋王者不治夷  
狄今安南負固多年若遣官往至其國以掉口舌小

必文過飾非大或執迷玩命若置而不問損成已多

若問罪興師貽害尤大非計也會不興只培國家多一國各入貢仍請

○小○元○氣○

面折諸廷安南詞服因諭以恩威禍福厚賜之歸令

還占城侵地竟不煩兵而解廣西二守岑欽與侄溥

相仇殺巡撫欲討之文昇不許第令膽書戒飾已皆

悔悟納款請死弘治七年議絕土魯番而復哈密先

是哈密在肅州西北千五百里本韃靼回回雜處之

國也永樂初設其地爲哈密衛封元肅王之言脫脫

爲忠順王賜金印城哈密居之令爲西域之襟喉以

明



廣石米傳 卷之十九  
迫諸番之朝貢位雖高而兵最弱忠順王死無子王  
母理國事憲宗朝土魯番鎖檀阿力王恃強擄王母  
及金印而去國人驚散已而王母死鎖檀阿力亦死  
子阿黑麻嗣位其肅守臣請乘間以王母甥早慎襲  
封爲王遣兵送入哈密阿黑麻謂早慎非脫脫之貴  
族佯與結親而誘執之至孝宗朝而阿黑麻以金印  
城池來歸文昇謂哈密二夷種共居一城早慎非貴  
族故衆不服必得元之遺裔方能興復哈密因訪得  
王姪陝巴襲封忠順土主國事未幾阿黑麻復擄陝

巴及金印去報至朝廷遣兵部侍郎張海德經畧之  
遂修嘉峪關捕哈密黜詐回回通黑里麻教令反覆  
爲奸者二十餘人發戍廣西文昇曰此敵旣遣使人  
貢復擄陝巴金印其心輕中國不大創之不戢請閉  
嘉峪關絕諸番貢令西域歸怨阿黑麻以携其黨上  
從之阿黑麻緣此益驕橫詐稱以萬人入寇甘肅報  
至朝議頗駭文昇曰吐魯番至哈密十數程哈密至  
苦谿又數程路乏水草聞夷使入貢多帶水行今若  
遠來肅州有備彼豈得全歸哉料不能至特以虛聲



恐我耳已而果不至八年阿黑麻復令酋目牙木蘭率番夷三百騎入據哈密文昇亦奏請執阿黑麻之貢使四十餘人流聞廣而薦都御史許進率副將彭清選番漢兵倍道而至夜登城破之斬級六十降自保者八百人牙木蘭以千里馬走報阿黑麻阿黑麻方與赤斤蒙古衛相仇殺不能大發兵僅使別將將輕騎五百圖復哈密復爲赤斤衛兵所檄殺乃遣使上書謝罪請歸陝巴及金印於是文昇亦奏還其貢使酬以少金帛而哈密復後轉吏部文功不述至正

德元年致仕卒贈太傅謚端肅文昇立朝五十餘年以身徇國不避艱險凡有大議衆莫能決者文昇至一言而決至于值事變臨利害屹然如山不可搖奪

斷曰

文昇馬撫巡按山西固原土賊據險吼嘶官軍屢敗項忠督提馬諭無戰城乏水隄斷其樵汲釜魚自携項忠從信擒四燃臍敵寇臨鞏遣將削泥再入好水戰獲其輜女直復叛陳鉞敗栖欲殺貢敵以掩已非貢敵譁懼亂震鼓鞞文昇往諭解散不



疑內臣汪直借此出師及至邊境無敵排擠懷恨  
馬撫下獄奏題至於直敗位方復躋不戰而撫中  
安外齊即至大創必勢所宜所以立朝高風莫梯

### 王信

王信字君實南鄭人成化初以指揮守荆襄時石和  
尚劉千金反信進據房陸民兵不滿千人賊四千餘  
衆突至圍之主帥逗遛不援信乃多張旗幟舉火晝  
夜不息歷四旬餘間以死士出城五六里舉火鳴砲  
賊以為援兵至驚走有功陞都指揮同知已而移鎮

湖廣條陳八事曰繕城隍廣儲蓄省徭役立賞罰選  
能官禁窩戶繕將才慎守備又條上四事曰慎專任  
以利民情定倉庫以備兵荒修兵衛以圖無患禁刑  
罰以省財用未幾信又上言湘廣蠻夷雖曰腹心之  
蠹無能為也但我軍奸黠之徒利其竊發可以邀功  
今但選精銳常加隄防勿蹈前非其患自息荆襄流  
逋本為逃避徭役今長老子孫已成家業濫加誅殺  
非惟死及無辜恐傷和氣南畝之農無所蓄積斂獲  
未竟餼糧已空機杆纜停布縷何在求免饑寒不可



得矣。乞選良守令。大加存恤。濫陞官員。無慮千百。無一矢之勞。冒崇階之賞。乞查勘削奪。三司方面。所以折衝禦侮。承宣激揚者也。當公以格物廉以律已。端本澄源。則在朝廷而已。憲宗下其章。飭勵衆職。時永順保靖二夷。世相仇殺。信諭以威福。遂兩解不爲亂。良將之所致靖州及武岡蠻久不靖。守臣議勦之。信巡邊面諭之。竟不煩兵而下。有諸苗犒以牛酒。且詰其順逆之故。皆稽首曰。累歲苦揮使徵索。故作亂。今將軍待我如此。願爲屬役。何敢反耶。因爲信舉肩輿以表敬。信歷

鎮大邦。不營私產。平居默坐。展玩經史。經三十年。皆無華衣。旣無肥馬。鈴閣之下。寂無人聲。子繼善從善。皆舉進士有名。

斷曰

王信指揮荆襄協守。和尚千斤雙攻。赴赴主帥。逗遛兵不湊手。晝夜戒嚴。圍之旣久。突開城門。火揚。咆吼賊疑。援來驚張。奔走乘勝。追亡功堪。不朽移鎮。上言參無酌。有大合兵機。一言不苟。上下其章。申飭儕偶。蠻夷解仇。爲之和。剖屢征未降。直諭稽



首竟不煩兵。但搞牛酒。小用大才。功名山斗。

張輔

張輔玉之子。以靖難功。封信安伯。又以父功。進新城侯。永樂四年。副宋能討交趾。由廣西思明府。憑祥州入龍州。能疾留龍州。輔率衆度坡壘關。入安南境。進至北江府。新福縣。駐營。時賊恃東西都及宣江。姚江。沱江。富良江。以爲固。緣江北岸樹柵於多邦。隘築土城。柵相連亘九百餘里。盡發江北諸郡兵守之。又於富良江南岸。列置木椿。盡取國中船艦。列于椿內。

諸江口俱下桿木。以防攻擊。賊之東都守備亦嚴。時

列象陣于城柵內。路守隘。以老我師。適西平侯沐晟

以雲南兵與輔大軍合。輔遂自三帶州。招市江。造舟

而進。晟軍至洮江北岸。與多邦城對壘。而輔率大軍

營於城北之沙灘。與晟合勢。賊新築土城高峻。城下

設重濠。濠密置竹刺。濠外坎地以陷人馬。輔下令曰。

賊所恃者此城。立功在此。一舉期夜襲城。以舉火鳴

角爲號。是夜四鼓。都督黃中啣枚昇攻具。越重濠。薄

城下。以雲梯附城。牙將蔡福先登。諸將士繼之火炬。

○交○人○雖○善○守○其○如○我○兵○勢○大○莫○禦○何



齊明銅角競響賊倉皇驚散遂入城賊復巷戰列象  
爲陣輔命畫獅蒙馬神銃翼之象見皆股慄又爲銃  
矢所傷皆退奔官軍追斬無數西都聞之亦焚宮室  
倉庫逃入海輔追至富良江賊欲立柵相拒是乘輔乘柵  
未備躬率將士力戰復大破之分道窮追舟師追至  
海門涇鵲淺時久晴水涸賊棄舟遁俄而大雨水漲  
數尺我舟畢渡衆喜曰天助我滅賊也益追之遂生  
擒黎季犛及其子澄滄等交南悉平因設都布按三  
司以撫輯兵民捷聞進封英國公未幾交賊簡定反

輔討之獲簡定還京八年交賊陳季擴又反輔又出  
討之賊走追至愛子江登岸賊設象伏以俟官軍輔  
偵知之戒先驅曰群象來衝再破象兵不徇成法一矢落象奴再矢披其  
象鼻象奔還自相蹂踐大軍乘之賊大敗遂擒季擴  
餘黨悉降交趾復平宣德元年漢王高煦反遣人密  
約輔爲內應輔卽縛其人白於宣宗擒之二年交賊  
黎利猖獗遣人進前安南國王三世孫暲表乞立爲  
陳氏後上以示輔輔曰不可從征將士勞苦數年乃  
始得之此表出黎利之譎無疑當益兵誅之上不從



遂復交趾正統十四年從駕親征王師敗績輔死于  
土木追封定興王謚忠烈

斷曰

張輔封侯命討交趾交賊隄防亘九百里既下椿  
桿又刺濠底輔但令攻一切不理雲梯附城火炬  
齊起乘賊驚慌遂入城裏列象拒人畫獅驚靡銃  
矢再加半逃半死生擒季犛捷聞賜璽再反再平  
功已足紀請立陳孫聖心稱美遂令大功不全終  
始土木從亡臣節盡矣

新鑄繡像旁批詳註總斷廣百將傳卷二十

古閩黃道周石齋註斷

長洲陳元素孝平原本

後學周亮輔猷菴增補

羅通

羅通字學古吉水人也年二十四舉進士授監察御  
史會交趾平夷獠新附中朝士憚往上詔御史予三  
級知交趾諸州通得清化既至黎利叛來攻清化通  
屢擊却之而成山侯王通擅與利構棄交趾拔吏士  
歸檄至通怒髮上指謂都指揮曰王通不奉上命喪



地辱國此城羅生死所耳都指揮曰如教於是獨不  
與黎利清化利大發兵八萬晝夜來攻圍通死戰大  
敗之踰年詔使至知成山侯語乃全吏士歸帝怒收  
成山侯下獄論死贖為庶人其餘非罷即謫而獨引  
見通改戶部員外郎睿皇帝北陷口詔舉將略有以  
通應者遂擢為副都命守丹庸是歲十月也先脫脫  
不花擁三萬騎逼居庸甚急通飭將士冒矢石固守  
不下而宣府叅將楊俊者以精騎入衛京師道關欲  
入通仗劍厲聲曰若欲保京師耶保京師保居庸足  
矣下令有一人一馬南渡者斬以徇乃止會天大寒  
令老弱汲水灌城冰堅滑不可破七日敵退趨紫荆  
通選兵追敗之逐出長安嶺中外始定捷聞加太子  
少保賜璽書慰獎通數上書論兵事與于謙不合乞  
病歸卒

斷曰

羅通豪傑守禦屹然清化一怒生死不遷居庸仗  
劍誰敢言旋灌城汲水敵退城全不獨忠勇才實  
大焉捷聞帝喜宮保加銜始知節烈臨事愈堅



項忠

項忠字蓋臣嘉興人也。正統七年進士。成化四年固  
 原土達滿四叛。據石城。遠近戒嚴。勅忠往討。時伏羗  
 伯毛忠戰死。我兵遽退。忠示威即戰。斬指揮以狗陣始定。  
 聞賊城中乏水草。因移兵據賊水草。以困之。與賊相  
 持百日。賊急。忠乃隨二卒。單騎抵賊寨。曉以禍福。諸  
 脅從賊。因相率來降。賊愛將楊虎狸。忽被擒。忠叱令  
 斫頭來。虎狸伏地乞宥。死。自效。忠即假以詞色。許令  
 立功。解金鈎束。賜虎狸遣去。故滿四竟為虎狸所誘。  
以恩結其心。是以前賊攻賊之法。

擒凡斬首七千六百。俘獲無算。六年大旱。荆襄流民。  
 咸遁入山。李鬍子劉千斤之黨。因倡為亂。復勅忠總  
 督討之。忠因遣人持榜諭降。負險不服。縱兵擒勦。不  
 赦。凡遣還鄉者四十餘萬。編戍者萬餘。俘斬二千八  
 年。又討平野王剛。小王洪。召還院荆襄。以忠處置得  
 宜。三十餘年。賊不復起。而議者猶指忠妄殺。致干天  
 和交章論奏。忠疏辨。乞閒。上俱不聽。

斷曰

為將用兵。要有機巧。滿賊石城。詔忠往討。忠不戰。



爭但據水草困久賊窮禍福親曉降待以恩擒許  
自保所以虎狸誘滿以微賊亂襄忠復秉旄先  
以申令不遽兵擾意在招降負險方勦由此全多  
誅戮甚少三十餘年地方靜好議者猶言妄殺如  
草深怪廷臣如此顛倒

陶魯

陶魯字自強鬱林人也父成爲按察副使從擊賊兵  
敗死之上旌死事者贈官錄一子入胄監魯補焉二  
十授廣東新會丞魯機明內蘊而神觀不足或從令

尉列見上官獨昏睡雖督榜不恤也大藤峽諸賊亂  
兩廣都御史韓雍總師討之檄魯隸麾下雍威嚴擬  
王者二司長吏見皆長跪白事懼悚若不自勝一日  
雍顧峒賊最強險難下者方設策魯時直膳侍左右  
請食雍謾曰我不時食丞揣我何意魯曰無非某賊  
耶雍詫曰然丞既知之能往否魯曰匪直能往攻之  
易易耳雍怒曰賊銳甚又益阻自衛非大兵不可入  
部下文武數千百人熟視無可當吾寄者吾方欲身  
往安得易且使若食粟能之耳葦爾邑不能理乃言



擊賊若妄當答魯不拜謝復抗言曰夫賊難攻者非  
賊難也我難其攻賊者也謂魯能食粟不解擊賊者  
明公未悉魯也蔣琬龐統廢邑事後乃為蜀名臣公  
幸無棄魯使得畢技當悉縛諸醜以獻雍異之改容  
曰若所將幾何而辦魯曰三百人足矣雍曰何少也  
魯曰猶以為多兵貴精請任選擇雍曰任為之魯乃  
標式約曰有能身舉百鈞矢射二百步者來三軍十  
五萬人其比于式者得二百五十人曰未也請復下  
令募募數目足魯乃為別將日操練陣法椎牛酒犒

甘○苦○共○之○士○爭○願○為○死○率○以○先○登○遂○大○破○賊○斬○首○無  
算○賊○穴○所○得○士○女○金○帛○悉○以○分○于○三○百○人○已○無○與○者  
眾○益○奮○雍○大○稱○賞○言○于○朝○累○功○進○同○知○肇○慶○府○事○至  
左○右○布○政○司○錄○其○後○為○錦○衣○千○戶○魯○前○後○任○廣○東○所  
殺○及○降○者○二○萬○七○千○餘○賊○聞○陶○家○軍○駭○慄○避○遁○不○及  
遇○卽○叩○首○乞○為○良○民○得○無○死○幸○甚○然○僅○三○百○人○耳○服  
其○心○累○用○不○躓○語○有○之○一○夫○決○萬○夫○避○况○三○百○人○乎

斷曰

陶魯內才外形憤憤雍討大藤正憂無對見魯侍



前因而戲謂食粟汝知討賊應愧魯曰不然人有呆慧食粟不知討賊頗會蔣龐之流是其前輩雍驚其言授以軍隊三百選鋒可進可退破賊須臾決不反旆陶家軍名一時稱最方信用兵以精爲貴

### 王越

王越字世昌大名之濬人也年二十六舉進士後以總督視師延綏以輕騎襲破敵于崖窰川俘四十餘人鹵首加百又破之黃草梁俘五人鹵首百二十人

進右都御史前是文臣視師多從大軍後出號令行賞罰而已至越始多選驍勇跳盪武騎爲腹心將而與敵搏始有戰矣或探敵累重而劫之或剪其零騎用是得數成功名旣而謀知敵滿都魯孛羅亂加思蘭三口自河套渡分寇西路而其妻子營于紅鹽池乃率總兵許寧等以精騎五千襲之兩晝夜行三百三十里至其地分兵千餘爲十伏以相救而身與寧等分兩哨薄其營遂破之擒斬甚多獲輜不可勝計焚其廬帳而還時滿都魯等行剽至韋州頗有所獲



而遇諸鎮兵邀敗之。斬首敵一百四十九，奪其鹵、男婦二千，馬、騾、牛、羊十三萬。敵既失利歸，而盧帳妻子畜產又皆蕩盡。乃相顧慟哭，遠徙不敢復居河套。故地捷聞，再賜璽書褒諭。俄召還京，既而敵口西犯邊。時上所寵信中貴人汪直，年少好言兵，越亦與之好。因詔保國公朱永為平敵將軍，由南路會榆林。越為總督，率師西討，直自監其軍。既至大同，謀知敵帳在威寧河，因遣勁騎二萬餘分道乘風雲薄之。敵狼狽出戰，遂破敵，斬首四百三十七級，俘獲無算。捷聞，越

進封威寧伯。越居常喜奢華，自奉若諸侯王，而其御軍恤下財，往來若流水，籠罩豪傑，不知所從入，皆願為之死。軍行過陝西，秦王賜宴，奏伎。越語王下官為王吠犬久矣。寧有以相酬者，因盡乞其伎女歸。一日大雪，方坐地，鑪使諸伎抱琵琶，捧觴侍。忽一千戶調敵還，即召入與談敵事，甚晰。大喜曰：寒矣，手金卮飲之。復談則益喜，命絃琵琶而侑酒。即并金卮予之。已又談則又喜，指其伎中最姝麗者曰：欲之乎？以乞汝。自是千戶所至皆效死力。一日夜襲敵帳，將至風暴。



起塵翳目。衆惑欲歸。一老卒前曰。此天贊我也。去而風使口不覺歸。而卒遇敵。入掠者還。而我據上游。皆是風也。越不覺下馬拜功。成推卒功。以為千戶。以家近京。得通于中貴人。李廣後。廣敗。自殺。言者皆首攻。越上雖雅重。越不為報。而越坐憂悴者劇。遂卒。

斷曰

王越文臣偏長于武。視師延綏。以將自許。斬獲占多。論功誰阻。謀賊威寧。乘風襲取。功成捷聞。威寧封補師。過秦王。賜宴歌舞。吠犬自陳。乞其伎女。專

夜擁鑪麗姬環處。將訶敵還命之入語。語敵詳明。飲以金縷。再語得情。金卮賜與。語終入神。麗姝乞汝。所以士心死于為主。

王瓊

王瓊字德華。山西晉州人也。舉進士。武宗朝。召拜戶部尚書。久之。改兵部。瓊為人多計筭。穎敏。默識。凡天下兵馬數多寡。強弱及塞隧夷險。禰禪才否。一覽悉記。無遺。武宗末。饑民乘間起為盜。最大者山東劉六。河南趙燧。蜀中藍鄢。江西桃源。華林。瑪瑙。多者至二

相○才○

真○將○



十餘萬攻城剽府庫日益盛封事告變旁午瓊手錄指悉計合機宜敵嘗入寇山西一得利踰歲乃復獵境上陽若東者瓊曰是必趨舊利奏集諸鎮兵據山西要害賊果入大敗之進少保贛州盜大起王守仁時巡撫其地請便宜從事瓊才之咸報可守仁果以次平賊寧王反報至朝中外惴惴無人色而瓊益治兵自如衆問之瓊曰吾久用王守仁在上游何謂耶寧王之反度此時已執之矣亡何果報守仁執王時都督江彬得幸撰交亦有益于國家瓊陰與厚結所言無不當瓊得以成

功者此也嘉靖改元言官論瓊奸狀下獄論死赦戍遼左瓊上疏自辯釋爲民後敵復入陝楊一清還朝難其代詔復瓊尚書總督諸軍事瓊至修一清之政加振刷焉因逐敵去旣而築牆阻敵招商實邊功配楊一清進太子太保後改吏部卒

斷曰

王瓊大才高坐堂上盜賊紛攻洶洶蕩蕩調將遣兵無一不當敵寇山西驕矜無狀奏集鎮兵伏擊敗喪報反寧王中外驚悵瓊曰無傷久已有將上



游下攻此時已創亡何捷聞方知非妄但惜正人  
往往遭謗削職復官有如風浪

馬昊

馬昊關中人也長身驍捷善騎射舉進士為御史以  
罪謫真定推官至則教吏士習武多布置鈎指民家  
有流劫奸盜亡命悉擒之再用前罪謫判開州吏士  
伏闕上言馬昊於真定稱保鄣請勿謫詔許之亡何  
蜀盜藍鄢叛合四省兵討之未效吏部言馬昊才因  
陞蜀按察僉事佐治兵昊至閱所郡兵笑曰將不知  
承○平○日○

久○故○不○知○兵

兵若勝何因擇驍勇才力之士千人分四隊隊各立

長會賊來逼城昊夜出百騎舉砲擊賊賊營亂自相  
蹈籍乃悉兵從後乘之斬首四千級軍中皆喜以為

兵起未有者昊曰此尚未見大敵胡足喜宜及勝用

之速遂前逆賊敵方陣左而伏兵於右為應昊以正兵

當左而身與兵百騎直擣伏伏驚潰趨左左陣亦潰

兵合擊火其柵大破之斬騎將方四捕首敵降萬人

遷副使時賊勢尚張當事議招降賊雖請降而乞住

劄臨清市空其民昊曰臨清市蜀襟喉上達重敘下



通湖湘其地饒富沃衍胡可委敵以自困獨益治兵  
募召豪傑賊因不敢東未幾賊復反集衆至二十萬  
前後官兵俱敗績賊遂進圍中江因謀向成都吳以  
五千騎馳赴中江擊之賊敗走窮追之殺賊口廖麻  
子遂進僉都御史巡撫蜀廖麻子死餘黨尚數萬竄  
于東鄉山復推喻老人爲帥吳請于總督彭澤曰山  
險經○畫○勝○于○殺○戮○不便騎射願發步兵三萬據出入要道賊自餓死  
也澤如吳言賊窘果縛喻老人請降而他賊在遂寧  
渠縣者相繼平進副都逾歲有亦不刺自西海犯松

潘蜀大震吳招土番爲間取道夜襲之彼驚潰獲馬  
及衣械甚夥事聞加祿俸一級高珙筠燹人普法忠  
倡諸夷部立寨僭號攻劫吳率兵搗破之降者萬計  
獨青山寨不下吳行周視寨曰此固高絕水道可下  
也乃遣兵據泉口而攝南方圍待之兩日賊渴覘南  
圍薄夜走兵從後追捕首敵又萬人執普法惡誅之  
進都御史子一子錦衣百戶然吳好功名又欲討松  
潘夷不勝逮下獄罷免

斷曰



馬○吳○用○兵○妙○于○有○制○所○以○賊○來○斬○殺○如○意○小○勝○不○  
奇○大○敵○方○異○賊○左○立○營○伏○右○以○濟○吳○偏○伏○趨○伏○未○  
及○備○敗○潰○左○奔○并○左○失○勢○左○右○俱○傷○敗○走○無○地○當○  
事○招○降○猶○欲○據○市○吳○不○許○之○中○江○復○吠○麻○子○尋○誅○  
老○人○旋○棄○法○惡○再○萌○諸○夷○重○二○吳○直○擣○之○降○者○萬○  
計○最○險○青○山○據○泉○而○斃○始○知○將○能○戰○無○不○利○

### 王守仁

王○守○仁○字○伯○安○餘○姚○人○也○弘○治○十○二○年○舉○進○上○正○統○  
元○年○劉○瑾○亂○政○守○仁○抗○疏○劾○之○受○杖○被○謫○貴○州○龍○場○

驛○丞○瑾○敗○方○漸○起○歷○陞○至○巡○撫○南○贛○汀○漳○等○處○守○仁○

至○置○二○匣○行○臺○前○榜○曰○求○通○民○情○願○聞○已○過○當○是○時○

匣○行○臺○亦○當○致○之○座○右

寧○王○宸○濠○蓄○逆○謀○江○西○上○流○山○谿○中○劇○盜○出○肆○掠○劫○

焚○官○府○篡○獄○囚○廣○東○湖○廣○江○西○諸○撫○臣○皆○互○相○觀○望○

久○之○積○至○數○十○萬○宸○濠○又○輒○與○諸○賊○通○曲○護○于○賊○守○

仁○逆○知○有○變○仍○請○提○督○軍○務○兵○部○尚○書○王○瓊○素○奇○守○

○得○○展○○其○○才○○在○○此

仁○因○請○上○卽○與○守○仁○兵○符○改○提○督○是○年○茶○寮○賊○大○起○

江○廣○湖○郴○騷○然○上○命○三○省○會○征○守○仁○首○誅○通○賊○監○生○

吳○讓○然○後○督○江○西○兵○自○南○康○入○破○橫○水○左○溪○巢○賊○敗○



奔復連戰奔桶岡又攻桶岡大戰西山界賊大潰盡  
殫之凡破巢八十四擒斬三千餘俘三千六百有奇  
釋其脅從千餘人歸流亡使復業度地居民開山通  
道夷其險阻泐頭尤悍黠擬官僭號益增機險守仁  
○妙○用○休士歸農若不復用兵者至明年先計擒賊魁遂進  
○彼○池○我○張○兵擊其懈連破三泐乘勝逐北滅巢二十八俘斬三  
千餘還師開縣置官司堅明約束諸賊藪盡爲治境  
虔吉人皆立生祠歲時以祀十四年六月宸濠反守  
仁適勘事福建道經豐城與縣令顧泌指心籲誓不

與濠俱生急馳小舸返吉安與知府伍文定謀起兵

討賊發檄召江西知府邢珣等又密遣謀四出投檄

揚言京師及湖廣廣東西南京淮安浙江各發兵共

數十萬以疑宸濠使不敢出南昌賊疑四路兵至不

敢出遲回半月餘乃出南昌攻南康九江安慶而守

仁之兵則已大集矣卽傳檄罪宸濠遣入密書與賊

心腹李士實劉養正及閔念四吳十三若有約內應

者宸濠得致書人及書遂疑士實等士實等勸宸濠

去安慶直趨南京否則徑出蘄黃趨京師宸濠不聽

○疑○得○妙○

○間○得○早○

要着



守仁遂進兵攻破

昌擒其居守宜春王拱條及宸

濠子三哥四哥時宸濠正攻安慶聞而解圍回顧巢

穴守仁迎戰樵舍縱火攻之大破賊擒宸濠及其子

大哥宸濠既擒江彬諸奸遂導上南巡下詔親征時

宸濠未死諸奸佞皆通宸濠得金錢者多在上左右

頗有異謀而畏守仁不敢發惟百計欲去守仁而守

仁深機曲筭自計甚苦內戢凶倖外防賊徒撫定瘡痍激勵將

士日夜如對勁敵宸濠竟得伏誅內閣大臣素惡王

瓊因忌守仁以提督軍務得專制召兵及平賊歸功

瓊久之不賞至嘉靖改元始詔錄守仁功封新建伯

兼南京兵部尚書未幾丁艱去服闋竟不召讒謗益

起雖封爵賜號竟不與鉄券一時勤王有功諸臣中

傷廢斥殆盡嘉靖五年岑猛反兩廣聚兵討猛猛死

田州而其黨盧蘇王受相結再叛益發四省兵嶺南

大困因起守仁代姚謨守仁至開示恩信班師撤旅

蘇受等自縛來歸守仁薄示其懲因遣歸田乃論蘇

受等朝廷宥爾宜有以報皇恩衆皆頓首願效死時

八寨反側久毒嶺表守仁因密與蘇受約又會保靖



上兵自嶺南還。因密與領兵官約。過八寨。當與蘇受等兵相犄角。徑搗其巢。或遏其前。或截其後。或張左右翼夾擊之。誅斬萬計。而八寨亦平。桂萼素忌守仁。言守仁挾詐專兵。時守仁病。乞致仕。至南安卒。桂又言守仁擒宸濠。攻城紀律不臧。奏捷誇張已甚。及斥守仁學術不端。壞士習。乞削奪官爵。上憐其功。但停恤典。子不得嗣封而已。

斷曰

從來大功。扼于群小。若無機權。性命不保。守仁高

賢。江彬大狡。同立一朝。自傷酉卯。劉瑾龍場已陷。於早宸濠之功。豈容直表上巳。南巡群奸矯矯。或曰縱之。或曰重討。若觸若違。事定顛倒。婉轉托人。始不紛擾。封伯雖遲。聲名自好。

楊銳

楊銳。字進之。其先徐之。蕭縣人也。爲人機警。弘治中。代父官羽林。正德四年。總江西十二衛所儲運糧艘。聯屬比之陣法。加嚴運。無後期。凡八年。進署都指揮。僉事。奉簡書守備九江安慶諸郡。駐軍皖城。求余闕



城守事曰今日當不足憂也九年盡獲江賊于蓮花洲監司喜以事上聞銳曰江賊奚足憂所慮者豫章耳意指寧濠也又謂九江為鄱陽上流遠不可恃湖口最要害當以中左所之一旅移置戍于湖口縣之高嶺便于遠望有警可即達也防于未然因繪長江圖具事標識凡數本呈南京機務司馬重臣及臺院司防江者又請造戰艦若干艘習水戰于江上至十四年寧濠變作即告變京師先引軍設鈎距于江側机密禁勿泄及寇至船二百餘艘抵岸皆為鈎鉅所破繼至者以千

數銳坐城上與衆誓勦逆當得大功又告郡守張文錦俾發府庫金懸以示賞有寇緋衣者稱凌十一欲先登銳引弓中其首其子繼登又引弓貫其吭而死于是懦者皆起城上建大旗書勦逆賊以壯士氣有安慶人僉事潘鵬持黃紙衣紕擁騎至城稱後兵數十萬能以城降得不死銳語鵬曰汝死已後尚覩顏為恃言乎吾刃至矣捕鵬家一人腰斬棄城下鵬乃遁去寇為敵樓數仞向城有甲冑者出闌楯外持鈎距大呼銳發矢中其左腋藥火齊發頃之樓燬死者



不可計宸濠船泊南岸聞不克大怒率衆分攻各首  
舉木爲蔽攻甚急銳乃裂方布覆紙裹藥火千數散  
置所蔽木上火發盡棄去火光周匝不絕寇無所遁  
寇又于北濠結木爲棧與城接挾兵而進城中大驚  
銳曰事急矣乃詭以大將軍火銃寶石被緋金鼓置  
城上向寇寇兵望見遂大潰銳乃潛使一卒從間道  
出燒棧絕且暑甚濠賊力憊夜斲睡去銳募善泅者  
數人於船中間斲堦即斬首絕其纜故之江中又遣  
一二強卒突入岸上營舉火炮城上應之乘勝捕殺

聲震數里是夜宸濠浩歎出涕舉帆順風而返捷聞  
武皇下璽書褒之曰十八晝夜勞苦可嘉朕心大悅  
又賜有忠勤報國并戰守奇功二榜實授都指揮僉  
事充叅將仍守安慶兼湖廣地方濠旣平兵部論功  
進銳爲都督僉事蔭子評爲羽林千戶安慶立生祠  
以祀後以疾卒卒後囊無一錢諸子鬻衣爲葬

斷曰

楊銳羽林代父總轄儲運艤艘比之陣法運無後  
期九江駐札獲賊蓮洲監司目刮銳曰無然豫章



宜○察○固○請○移○師○湖○口○鎮○壓○又○先○設○鉤○以○待○賊○發○及○  
賊○來○時○盡○為○鈎○殺○射○賊○勇○施○焚○樓○威○雜○銃○石○齊○加○  
碎○兵○穿○甲○敗○走○宸○濠○捷○音○上○達○賜○璽○書○褒○男○兒○志○  
荅○

### 仇鉞

仇鉞江都人也世襲指揮同知驍勇敢戰正德五年  
真鑑反鉞陷賊中京師訛言鉞從賊守備保勛又與  
賊聯姻疑為之外應李文正曰鉞必不從賊勛賊故  
姻耳若疑勛不用則諸與賊通者皆懼而不復歸正

矣因白上用勛為叅將以鉞為副總兵討賊命下勛  
即上疏言臣母及妻子俱在賊中臣義不顧家恨不

飛渡黃河食賊肉謝朝廷○是○用○而○示○之○以○不○  
○用○之○意鉞聞命亦稱病卧陰約游  
兵壯士候保勛揚英諸兵至河上乃從中發為內應

俄蒼頭書童沒河潛入見鉞言諸兵已至河上列營  
鉞因喉人謂賊何錦宜急出守渡口防決河灌城且  
逼東岸勿使渡河錦果出而留賊周昂守城鉞又稱  
○大○有○經○略病亟昂來問病鉞猶堅卧呻吟言且夕且死蒼頭卒  
起捶殺昂斬首鉞起披甲仗劍跨馬出門一呼諸游



兵壯士皆至。遂奪城門。擒真鐸。充總兵。寧夏封咸寧伯。食祿于石。與世券方寘鐸之變。朝廷遣張永同楊邃庵將兵出討。邃庵謂永曰。寧夏事不足平。仇鉞在彼。不久當有捷報。至是果然。蓋鉞自列校。楊公識拔。以起者其早。受知于大賢如此。

斷曰

仇鉞指揮忠勇奇特。偶陷真鐸。訛言從賊。皎皎此心。一時誰白。楊李知人。反令討賊。鉞因病。擗形之聲色。俟兵至河。假為畫策。恐掘灌城。賊驚出塞。嘔

起奪門。反正頃刻。方知其忠。漚漚赫赫。食祿流芳。不為多得。

戚繼光

戚繼光字元敬。定遠人。幼而褻閫。多權術。英風勃勃。既冠。奉父命襲世官。待次司馬門。有善相者。目逆之。曰。將軍三十六。乘鉞專征。不五等。則三孤矣。庚戌。口人大入。繼光條上便宜。部當其議。又有推轂者。遂進官備倭都司。尋轉浙江都司。會倭難時。作繼光因上練兵議。其略無兵而議戰。猶人無臂而格于將。乃今



烏○合○者○不○張○徵○調○者○不○戰○吾○不○知○其○可○也○聞○義○烏○人○  
其○氣○敵○愾○其○習○慄○而○自○輕○其○俗○力○本○無○他○宜○可○鼓○舞○  
及○今○簡○練○一○旅○可○當○三○軍○督○府○乃○檄○繼○光○亟○募○三○千○  
人○假○以○節○制○繼○光○則○以○為○甘○伍○起○于○丘○乘○兵○寓○于○農○  
但○西○北○地○夷○宜○得○地○利○南○而○走○險○不○利○並○驅○乃○間○長○  
短○兵○夾○振○而○進○隊○立○一○人○為○長○偏○則○伍○之○兩○則○什○之○  
犄○角○互○張○攻○距○擊○刺○互○用○名○鴛○鴦○陣○居○無○何○卒○服○習○  
矣○督○府○請○補○東○叅○將○分○部○台○州○既○而○島○夷○入○台○州○覩○  
旌○旗○皆○辟○易○所○向○以○全○取○勝○其○年○江○西○告○急○督○府○檄○

繼○光○西○行○既○捷○露○布○以○聞○軍○聲○益○振○頃○之○閩○寇○張○其○  
分○壘○為○三○窟○一○據○橫○嶼○一○據○牛○田○其○口○長○壁○莆○東○南○  
出○沒○焚○掠○因○而○塞○路○沃○野○不○耕○廣○叛○兵○乘○亂○出○入○藐○  
若○無○人○繼○光○以○督○府○命○部○兵○八○千○往○自○橫○嶼○趨○牛○田○  
俘○馘○立○盡○他○夷○部○繼○至○截○先○登○者○五○之○三○其○二○突○圍○  
南○奔○窮○追○絕○跡○勒○功○平○遠○臺○而○還○隆○慶○初○敵○陷○石○州○  
用○廷○臣○議○召○繼○光○入○策○備○邊○繼○光○因○上○書○陳○七○原○六○  
夫○四○弊○大○畧○謂○兵○制○西○北○什○倍○東○南○敵○憑○積○威○劫○邊○  
人○人○望○風○而○靡○戰○將○率○賸○軍○費○叅○外○家○兒○視○敵○飽○



歸尾而鵬勦掩老弱爲功。借曰當戰。鮮不唾之。且不  
確。寔。之。論。練何以議兵。無兵何以議戰。練兵之效。臣嘗驗之。東  
有練兵紀。効一書其法南請簡部將若而人。分出三輔州縣。再部募三千丁。  
壯部將將之。合爲四營。營各五部。每營立一裨將。爲  
之連。衡總攬折衝。主將則專制簡練訓習。一如東南  
比及三年。堂堂乎可格敵矣。長驅出塞。務令咋指而  
避窮廬。設有警則大舉討罪之師。逐北而虛大漠。然  
後屯田足餉。罷戍銷兵。坐致富強。則百世之利也。部  
持可否未決。旣而有言太阿之柄不假武人。而練兵

之議寢矣。旣而又議築臺。督府上其議。許之不旬。日

軍政要宜

告成功。又議立車營。出戰則以代城郭。首分數次。形

名次。伎擊次。步伐次。偵邏次。鄉導次。批搗次。遮擊次。

追襲次。俘馘軍政畢。張無不以律。比年東西俱謀。八

犯自繼。光修內備。不戰而伐。口敵卽軍。正無所課。功

其功上上。時江陵當國。上遣右司馬出行邊。大閱。劄

門十六萬之師。畢至營。伍必整。旌旗大鼓必齊。約束

必堅。號令賞罰必信。驗諸械器必精。履諸關隘必周。

比還報悉。以狀聞。因以備遼功。進左都督。加秩少保。



及江陵。勅人言波及少保。忌者復陰布蜚語。始移鎮南粵。未幾敵入黑裕關。劄人願亟召還。不得請。則勒石頌功德而尸祝之。繼光度嶺南疆事。如二鎮踰年。疾作。得謝還。以丁亥蜡日卒。

斷曰

繼光將軍。生殊不偶。五等三孤。是其所有。推轂備倭。東南是守。因練三軍。短長互紐。南不並驅。利于險走。陣名鴛鴦。可暫可久。分守浙東。島夷時吼。觀威旌旗。辟易海口。因而誅之。獲訊獻醜。檄救江西。

到卽斬首。再往牛田。俘馘不苟。敵陷石州。召光入。剖因請練兵。以爲利。訖數再請。車營以爲不朽。部議持之。唯唯否否。江陵遣觀方。窺八九。少保加榮勳。名山斗。

沈希儀

沈希儀。其先臨淮人也。世襲廣州馴象衛指揮使。未弱冠。已能馳馬。手縛賊。征永安盜。誤陷渚中。騰而及于岸。三酋前趨之。一鏢一刀一弩。並發。希儀捩項。以過鏢。排右足讓刀。顧射鏢者。中決項死。因掣刀斫刀。



酋於磴間斷其頰。單又射其弩首，竟却其追兵而還。遷都指揮僉事荔浦賊八千人，行剽歸倉，卒部五百人往扼之。蛟龍滑石兩灘相去數里，希儀曰：「滑石灘狹難行，引繩乃濟，雖衆可薄也。」蛟龍灘澗衆行成列，難圖矣。吾欲奪其濶而致之狹，因伐岸竹編筏以爲線，頃刻成數百旗，插之蛟龍灘，令羸卒數十人守之。以疑賊，賊果疑而趨滑石，且半渡伏發，擊敗之。嘉靖六年，岑猛叛，督府召希儀與計，曰：「歸順岑璋，猛婦翁也，助猛奈何？」希儀素得土宜，陰事因答曰：「璋女失寵，

而璋心恨猛，貌合耳，可使擒猛。何謂助乎？」督府復曰：「猛乘上流勢，捭兵下如建瓴，邕梧危矣。」希儀曰：「是不足憂。」看得透徹上官大率飽富貴，戀巢穴，所爲叛者，懼誅耳。豈有遠志乎？督府又慮猛走交南，希儀曰：「猛走交南，則閉不能歸，彼豈無慮哉？」於是分五道進師。希儀將中哨，當工堯，工堯隘而糧盡，乃潛渡江。諸左哨將乞糧，請并兵攻工堯。左哨以分地爲辭，希儀笑曰：「兵糧吾自是試君心耳。」還夜分兵三百人繞出，工堯背煮餘糧爲稀糜，食士合戰，戰疾力而所遣三百人則已立



幟工堯山頂矣。賊見而大囂。遂逐入隘。得其積粟。食  
軍乘勝攻田州。歸順岑璋素信希儀。使圖猛。因遣兵  
二千陽助猛。又精兵千人名護女。實則為間。官軍得  
工堯猛出走。則擁入歸順。左哨將知之。兵壓歸順境。  
索猛歸順。斬囚首以獻。而先一日希儀已獻猛。馘梟  
軍門矣。督府議設流官。希儀曰。思恩設流官。反側至  
今。兩賊行合從。且復起。不見聽。而田州果叛。後竟復  
土官。田州乃平。擢石江叅將石江。故治柳州。柳在萬  
山中。城外五里。卽賊巢。前守劉璉殪于賊。訶者耳目。

偏官府。閨闈中稍動色。賊在溪洞數百里。趨知希儀  
至。顧令熟徭恣出入嬉遊城中。而求得與徭妙用通商販  
者數十人。厚撫之。使為詞。於是賊動靜聲息。往往為  
我所先得。所賜勦風雨來去。每出勦。卽肘腋親近不  
得聞。至期鳴號。則諸軍立集。聽令日出某門。旗頭卽  
引諸軍。貿貿行。問旗頭。旗頭不知也。頃之。劄營賊衆  
至。戰方合。而伏左右起。賊大敗去。已而賊寇他所。官  
軍又已先在。雖絕遠村聚。賊度官軍所不至者。寇之  
軍。又未嘗不在。賊驚以為神。卽官軍亦不知。希儀何



以得之所。勦必其劇。巢縛管繩。爲記無妄。殺於劇。巢得婦女牛畜。果隣巢者。悉還之。惟陰助賊者。還軍立勦。曰：若奈何陰助賊乎？於是賊驚服。無敢陰助賊。嘗欲勦一巢。乃佯卧病。所部人問病。謝不見。再入問。希儀始起。曰：吾病思鳥獸肉。若輩能從我獵乎？卽起出獵。去賊一二里而止。營衆乃知其非獵也。因攻巢。擒其尤黠。猾善戰者。支解之。四懸城門。見者股慄。常以甚雨。凄風。天。夜。察諸賊所止。宿散遣人。齎火。若砲衣。毳帽。與草同色。潛巢賊中。夜砲舉賊。大駭。曰：

老沈來矣。挈妻女蒲伏山頂。兒啼女咷。往往寒凍。死或觸崖石死。妻子相怨。汝作賊何利至此。及明。訶之。則寂無一人。所散遣出他巢者亦然。他巢大驚。已相聞。則愈益驚。陰訶之。則老沈固在。叅府不出也。自此賊膽落。或易而爲熟徭。熟徭旣伏。希儀威信。調征他巢。雖懼爲仇。不敢不往。論者以爲廣西之將。前此未有也。思恩已設流官。忽聞岑濬有子。曰金。在鎮安人。情洵洵。而賓州酋楊留。卑辭希儀。曰：留小主人在。請往。希儀暗思。金去賓近。而留應之。且爲賓州憂。賓州



危則廣右之咽喉立梗矣。乃婉言好語謂留曰。金是  
岑濬第九子耶。我往征田時。固聞之。復沉吟作自語。  
狀曰。岑氏其復乎。欲以深動留。已而呼留入密室。要  
賂爲金。復官。留乃大信。且出復呼入曰。韋貴徐五。今  
分將思恩。必仇金。須善防之。於是金果將五千人。因  
留以見門者。懼走報。請無納。希儀罵曰。金本土官子。  
非賊。奈何不納。則引入厚結之。又引以詣兵備。隨盡。  
散其五千人。卒縛金而思恩復寧。當是時。非深計則  
不煩兵而自解賓州幾失。瓊南五指山熟夷本馴順。畏法。知府邵濬

者。黷貨虐使之。而黎叛兵八年不休。希儀言十督府  
曰。法家斷獄。必分首從。今諸相煽從逆者。如虎投井。  
勢不可不釋。併諸夷而勦之。則傷仁。撫而勦之。則墮  
信。莫若獨搗其首惡。首惡平。則諸異志者。魄魄矣。是  
公以生賜萬州也。都御史聽之。而黎平進都督同知。  
改貴州入銅平巢。作用甚奇。然秘不告人人。亦莫知。  
也。希儀膽勇機警。善撫諸人爲耳目者。賞不失頃刻。  
嘗染危病。所部卒至。自戕于神前。以禱。穿手刺股。痛  
毒諸體者。皆遍。最後一人。至以箭穿喉。其得士如此。



斷曰

沈子希儀英雄之器勇悍既殊復多智計陷陣殺首直如兒戲狹路邀誅其來若繫岑猛何強驅而就斃擢守石江柳州之地徧地賊巢耳目甚細儀偽不知任徭游憇借徭探搖轉為我利突勦如鵬不知其意凡賊所攻官兵先備賊驚為神因而失勢誰知勦誅皆有管記忽聞岑金在賓復繼賓西楊留因請往肆佯借復官誘而相棄思恩兩平進官榮世

附

李善長

李善長濠之定遠人少有志計慷慨好功名粗持文

以○蒼○生○自○討○抱○負○不○小○

墨里中推為祭酒元末劇盜起汝潁間淮南北豪傑

謂○非○其○主○豈○肯○失○身○

多起應之善長心薄之不出會高帝為濠州帥以兵

認○定○真○主○何○符○微○求○

畧滁陽善長被儒生服道謁上素聞其名禮之與語

取天下大計輒合通文恐且遂收以為掌書記而從

容謂之曰大帥與諸校不能相肺腑者皆持牘者市

權而行怨使下不得上心上不得下力以致敗也善

長頓首曰命之矣於是諸將來歸必為上布欵誠皆

得○大○臣○休○自○



○不○元○動○  
使得自安遠近日附上鎮和陽而元衆猶盛每分營  
侵軼上欲出復鷄籠山寨留少兵佐善長戒曰敵至  
謹自保而元謀知和陽守兵少亟來襲善長設伏兵  
○壯○行○於○斯○乃○見  
大敗之捷聞上大悅曰誰謂而歷歷握算此役幾令  
執戈者屈之矣因謀渡江善長曰兵衆食少舟楫不  
○知○已○知○彼○百○戰○百○勝○  
備不足以爭江左利姑埃之會巢湖將俞通海廖永  
安等以舟糧來歸或疑其詐善長亟說上曰此天贊  
○謀○則○有○衆○  
我也機不可失上從之遂拔采石乘勝取太平善長  
○軍○有○紀○律○王○者○之○師○  
預置榜諭士卒有擄掠者必斬太平甫下卽懸之五  
○威○以○示○

○信○而○民○不○擾○  
父達肅然無敢犯上爲吳公而善長拜叅議與宋思

顏李夢庚郭景祥陶安等俱爲省僚而軍機進止十

九取善長處分上益禮重之凡師行善長必留守轉

○足○食○致○力○令○嚴○民○安○  
運兵餉無乏而將吏帖服居民安堵尋奉上爲吳王

超拜善長右相國僞漢平善長請權兩淮鹽立茶法

制錢開鉄冶定魚稅諸利雖若煩悉而裁取有衷民

○民○幸○成○帝○業○  
不以爲困而國用益饒旣而吳亦就平乃力請上卽

帝位曰殿下提三尺劍不堦尺土而成大業比肩之

孽剗削且盡不以茲時正位號何以慰海內心上曰



吾居恒笑友諒甫得一隅而黃屋左纛卒以畀我我  
安得復効之令後人笑也天命果在我自有時毋庸  
汲汲平吳皆大將軍功上以善長有轉餉勞召見戟  
門封宣國公賚賜如大將軍上之初渡江頗用重典  
法有連坐三條善長固請除之既而命與劉基等悉  
加裁定律令成賞賚有差善長復得群臣勸進凡三  
表乃許上幸汴梁命善長居守者三月一切聽便宜  
行事尋奏定三部官制及官民喪服朝臣服色俸賜  
天下嶽瀆神祇名號封建藩國功臣爵賞事無鉅細

悉委善長謀之三年大封賞上謂善長雖鮮汗馬勞  
然給足軍食其功甚大進封韓國公特進光祿大夫  
左柱國歲祿四千石子孫世世勿絕賜鉄券身免二  
死子免一死誥詞比之蕭何云

斷曰

善長文墨目能識龍會元喪亂儒服歸從商籌大  
計對合針鋒授掌書記宣布恪恭師出室懸敵乘  
進攻用奇設伏大敗元兇整旅渡江計食緩縱巢  
湖糧歸衆慮蠱蜂亟言於上天贊我養長驅江左



榜諭士農軍政蕭然輸餉足供充裕國用裁取中  
庸固請正位三表乃從奏除苛法定律建封比之  
蕭何爵祿萬鍾

### 鐵鉉

鐵鉉鄧州人洪武中由國子生授禮科給事中奏對  
詳明上喜賜字鼎石屢決疑獄建文初擢山東叅政  
北兵起李景隆將兵駐德州鉉督餉繼之不乏景隆  
軍敗南奔鉉收潰卒保濟南北師至圍城數匝百計  
攻之屹不可破城攻壞者明策之恐為所乘先以藍

布○行○且○古○未○見○未○開○知○亦○巧○矣○大幅灰紋其上如斲石狀張於外北師遠望驚以

為神遂不敢逼內得潛為繕完忽又盡轍守具出千

入城外伏地請降因懇退兵十里無驚動城中人燕

王大喜謂諸將曰得此可斷南北軍中皆呼萬歲即

下令退軍受降鉉乃暗懸鐵板城門上伏壯士圍堵

中約候入城呼千歲即下鐵板拔橋因遣人請王入

撫諭王渡橋至城下門開王將入門內群呼千歲鐵

板亟下僅傷王馬首王大驚急易馬回走至橋而橋

下伏兵已斷橋燕王急乃躍而過怒令合兵圍城鉉

黃百將傳 卷之二十 明 三



令軍士辱罵北兵大怒攻益急以礮礮城城震欲崩

鉉因書高皇帝神牌遍懸危處北兵見之遂不敢擊

久不能克姚廣孝曰師老矣舍之南去宋叅軍說鉉

曰北兵南去北平之守單弱可襲而破也北平破北

兵回顧家室合南兵進躡之大難旦夕平爾鉉曰城

守三月士卒困甚而南將皆鴛材無足恃者莫若固

守濟南使江淮有備北兵不能越淮歸必道濟歸而

邀擊之全勝計也既而北兵攻東昌鉉援之大戰城

下斬燕大將張玉事關進兵部尚書北師至宿州鉉

○計○出○愈○奇○使○其○必○不○敢○傷○

○傷○則○不○孝○

○此○流○淚○語○也○國○無○良○將○矣

○我○在○國○無○震○恐

○計○所○必○由○

○歸○無○開○志○敵○之○必○敗

○死○而○後○已

○不○而○君○父○之○仇

大破之於小河斬驍將王真中原震動燕王將北還

以諸將力諫於是決計南向再戰得大勝遂長驅渡

江鉉感憤欲自裁及文皇即位鉉猶擁殘兵駐淮南

規圖興復而大勢已去被執至京背立庭中正言不

屈令一顧不可得割其耳鼻竟不肯顧焚其肉納鉉

口中令啖之問曰甘否鉉厲聲曰忠臣義士肉有何

不甘遂寸磔之至死猶喃喃詈不絕口年三十七父

母海南安置子皆戮死妻女發教坊妻病死二女終

不受辱同官以聞乃救出



斷曰

鐵公名鉉。忠粹英英。督餉不乏。收飭潰兵。嬰城自  
矢。燬燼傾橫。幅布外張。繕築完城。密誘入。穀將次  
功成。悞中馬首。脫易躍行。進攻益急。牌懸息征。休  
養待勞。東昌捷。羸天心。向有勢失。孤鳴割。藝問甘  
忠何懼。烹芳名千古。雖死亦生。

程濟

程濟朝邑人有奇術以明經為岳池教諭岳池去朝  
邑數千里○遁○中○往○往○如○是○濟寢食朝邑而治岳池學中不廢建文初

上書言某月日西北兵起朝廷謂非所宜言繫至京

召入見將殺之濟仰而大呼曰陛下幸囚臣至期無

兵臣死未晚遂下獄已而果兵起赦濟為翰林編修

充軍師護衛將北行徐州之捷諸將樹碑敘戰功及

統軍者姓名濟○已○有○先○見○之○明○不○為○羅○網○一夜潛往祭碑人莫測其所以後文

皇過徐見碑大怒遽以鐵椎椎碑再椎遽止曰為我

錄碑文來已而按碑族之濟名正椎脫處得免濟初

與同邑人高翔並以明經徵翔厲名節濟好術數北

兵起濟勸翔學其術翔曰吾願為忠臣也金川門破

黃石將軍 卷之三十 明 三



翔招濟同死。濟曰：吾願為智士也。翔竟死。建文急召濟問計。濟曰：天數已定，惟有出走免難耳。立召僧為建文落髮遁去。濟從之。每遇險，輒以術脫去。相從數十年。後隨建文帝至南京。人尚識之。至京，莫知所終。

斷曰

程濟數術莫與其匹。朝邑岳池寢食家室。上天呈象，越職計日，震怒無稽。乞囚桎梏，不爽前言。秩優軍帥，戰捷徐州。論功擢筆，夤夜祭碑。人不知實，文皇過此，日裂昔叱。椎擊錄文，濟名碎夫。數有安排。

免於斧鑕。願為智士。致君成佛。火燎平原。池魚遁出。數可前知。關津免詰。術以愚人。險厄化吉。四十餘年同歸。故室建文。功臣濟為第一。

朱能

朱能字士弘，定遠人。父亮從高祖開創有功。世襲燕山中護衛千戶。早卒，能代其官。為燕王愛重，嘗從王北征，取元太尉朶兒不花覆其軍。建文初，以王强大，見猜暗勅三司逮之。勢且迫，王欲動而猶隱其事。能因與張玉丘福直入倡言曰：大王高皇帝親嫡子，最



長而賢朝廷不察而以吳淠見疑大王即自受吾曹開國

亦安能坐待菹醢也王乃決策誘執三司而起兵靖

難從王攻薊州先登拔其城擄其將馬宣又乘勝取

遵化永平密雲諸邑東畧地抵灤河還從擊雄縣後

先登入東門破耿秉文之前鋒九千人追獲副帥楊

松潘忠遂乘勝直至真定與耿秉文大軍遇能挺丈

八矛率敢死二十餘騎瞋目大呼突入其陣所向皆

解王麾衆從之遂破其陣斬獲數萬追至滹沱河敵

尚數萬能復大呼馳而躡之遂盡潰王大悅賜書褒

獎又從援北平解其圍又追敗吳高卒二十餘萬曹

國公李景隆以五十萬衆攻北平能從王入援遇於

鄭村壩力戰敗之進攻其營又敗之又擊潰景隆兵

之攻九門者景隆懼悉鳩亡散號百萬復來攻王親

拒之以能為前鋒馳向至白溝河屢戰屢敗之盡拔

其寨柵窮追濟南復大敗之獲降萬人聞于王悉縱

歸復下滄州又進攻東昌與盛庸兵鏖戰王忽以數

千騎突出敵後襲之敵知為王悉衆圍之幾不能出

能急奮力潰圍而入復翼王潰圍而出我大軍遂進

黃百將專

卷之二十一

明

三

黃百將專

卷之二十一



戰夾河大敗盛庸兵又乘勝畧彰德掩水西塞又敗  
敵將李文于德州遂進克東河東平搗汶上諸塞又  
設伏敗平安之衆十餘萬轉戰至小河王師不利與  
諸將議咸氣鬱請班師○百○挫○不○挽○能獨奮然曰漢高帝百戰百  
不利而竟奪項王之天下今僅一不利耳而遽旋師  
何也且旆一旋可復至此耶王悟乃下令曰言北者  
斬遂縱兵深入至靈壁敵悉衆來戰能與丘福後先  
登陷陣擄平安及斬馬溥徐真等三十餘將降者數  
十萬人遂進取淮揚而定京師王卽大位論功封成

國公歲祿二千五百石賜誥命鐵券又明年安南黎  
氏弑其主且拒皇命詔拜征夷將軍總兵討之上親  
餞龍江師抵廣西而能病瘴以兵屬副軍而卒上時  
已觀星象而怪之曰西南其有憂乎俄而訃聞上震  
悼輟朝三日大臣入慰上爲洒泣曰輔我成業者能  
也命百官爲治葬親爲文祭之謚武烈

斷曰

成國朱能勇冠三軍數言悟主百戰成勳獲降縱  
歸潰圍翼君餞于龍江寵握超羣



張玉

張玉河南祥符人。驍勇善戰，多智策。仕元積戰功，至  
 樞密院。元亡遁于沙漠，洪武十八年始自拔來歸。高  
 帝異其材，以裨校從征。後積戰功，調燕山左護衛。又  
 以敗敵進都口，指揮同知。遂為燕府元僚。燕王寄之  
 若左右手，靖難師起，玉首佐謀，盡奪北平九門。既而  
 議師所出，咸欲南。玉曰：「先發制人。燕無內顧之憂，而南不安  
 也。燕王然之，遂輕兵圍薊，獲剡守馬宣。又移兵取遵  
 化，俱有斬獲。功從王南下，耿秉文以二十萬軍真定。

衆莫測玉請單騎覘之。還曰：「秉文不能訓衆師，有敗師不以其。」

氣急擊勿失。諸將猶以兵力不相當難之。玉曰：「彼衆心敗。」

而囂我整而銳，胡不相當也。燕王大悅，曰：「倚若一人虎賁三千貴在。」

足辨矣。遂前薄真定，果大敗其軍。又從敗吳傑軍，又

輕騎救永平。辰抵大寧，午凌其堞，斬大帥朱鑑。又還

救北平，大破曹景隆之衆。突騎往還若風雨，復從廣

昌蔚州進圍大同，皆下之。時謀報李景隆收散卒及

後軍未傅者號百萬，且至矣。諸將謀未定，玉復進計

曰：「兵貴神速，請急往白溝河，以逸待之，可勝也。」燕王



悅而從之。果大破景隆。追擊至濟南。東昌之戰。燕王  
被圍。王死戰得脫。玉不知王所在。突入其陣。東西衝  
擊。手殺數十百人。自亦中創而沒。王收兵不見玉。慟  
哭。謂諸將曰。勝負不足計。所恨艱難之際。失我良股  
肱耳。追封榮國公。謚忠顯。遂以兵屬其子輔。

斷曰

驍勇張玉。燕府元僚。佐謀收薊。審敵敗囂。大破景  
隆。斬堅殞。慘追封榮國。青史昭昭。

楊一清

楊一清字應寧。雲南安寧人也。幼以奇童薦入翰林。  
憲廟命內閣選師教之。登成化進士。授中書舍人。尋

擢山西提學僉事。丁憂服闋。補陝西提學副使。在任

進賢之意。

八年。大作士類。召爲太常寺少卿。轉南京太常卿。時

因邊警。馬政廢弛。遷右副都御史。督珉茶馬。清出荒  
熟牧地十二萬八千四百七十三頃。招商自出資本。  
買茶裝篋。轉運茶司。每千斤價五十兩。大約計官銀  
萬兩。舊買不過千匹。若此可得馬幾三千匹。其利在  
官。與關中商茶不同。至今以爲便。警作大司馬。劉大



夏薦為陝西巡撫兼理邊務。劾罷總兵武安侯及兵備不職者數人。請釋守備楊宏。使自劾。裁抑鎮守中官。支應歲省數千金。繕城濬河。而緣河一帶備嚴。敵不敢渡。已丑冬。敵以數十萬入寧夏。乘勝直抵固原。一清率帳下五十餘人趨會。總兵曹雄眾遮道爭不。可以謂平涼一路絕無行人。叅政安惟學曰。公行何恃。一清不荅。去而敵聞。一清至。遂掣眾北。走在陝。未踰年。百務具舉。正德改元。以邊患方熾。兵權大分。命總制全陝三邊軍馬。一清以寧夏花馬池要害。敵數

由以入率官屬沿邊巡視。疏陳戰守之策。修築垣塹。以固邊防。增設衛所以壯邊兵。經理寧夏以安內附。又上數事。忤劉瑾歸。休丹徒復逮。詔獄大學士李文正救免。會慶藩寘鐠叛。起為總制。靈州土人素苦漢官科虐。一清昔時多所釐革。至是踵舊。遂紛相訴。評一清以大亂之後。但除其害而不究其人。因訪求各營衛部領之賢否。而更置之。又謂邊軍之困。本出科差煩重。而私役買閑為弊。居多屯軍地去。糧存逋逃萬數。而湖地草灘半為將領所據。以自封植。於是各



鎮守黜役退占。又稽查軍士實數造冊在官。凡有徵調及雜差者。循次撥用。遂通行各城堡一體查處。禁革修數事。乞旌死節之家。如楊忠、李睿、張欽等。宜蔭其子。多與劉瑾不合。絕不少顧。又奏總兵楊英喪失之餘。士心不附。宜取回調用。復薦仇鉞、保勣、史鏞等。時延綏巡撫奏。敕諸鎮搜索河套散賊。一清。疏謂漢中流賊未平。調去沿邊官軍數多。邊城虛空。糧儲缺乏。而河西勁敵屢行搶攘。况河凍後。敵若入套。各鎮兵馬正當蓄鋒養銳。以俟。今乃無故出境搜索。縱得

○忠○君○不○慮○患

○以○逸○待○勞

數輩老弱殘敗餘寇。何補于事。且往回動。徑旬月靡

費糧草。傷損馬匹。所得不償所失。又遺書當道。極論

見○小○利○則○亂○大○謀

其事。乃寢瑾素憾一清。因倉卒起用。今見警息。欲矯

詔削其權。事發伏誅。踰月召為戶部尚書。尋加太子

少保。時順天、應天、山東、河南、江西盜起。疏陳切當。為

上嘉納。改吏部。遂起廢拔幽。凡為逆璫構陷者。連茹

以起。又陳戰守撫馭賞爵機宜。下兵部檄諸鎮施行。

兵部王敞束手無策。一清遂推用。大將征討。及文臣

有才望者。提督軍務。又著令有能擒斬盜賊三名。願



者陞一級。有都御史馬中錫。總兵張偉同征。專主招撫賊。不畏憚。放縱肆掠。又渠魁劉七屯兵。要赦廷議。將從。一清堅持曰。中原百姓敢稱兵熾亂。罪在不赦。宜易增兵。殄滅乃已。命太監谷大用總督軍務。薦侍郎陸完為提督。授之方畧。以拯溺救焚為念。率西北勅兵半駐江北。以為聲援。半渡江南。以備截殺。一以壯金陵之保障。一以為瓜真二壩之防。又云賊出沒無常。奔淮揚通海二州。以趨山東。留淮鳳之兵而山東自固矣。未幾盜平。獻捷。卒如其畧。加少保入內閣。孰習孫吳不能計此  
天○下○形○勢○悉○在○掌○中○  
何○患○不○平  
聲援截殺保障固防非

以時事多乖。又因災異。自劾。疏入。錢寧銜之。遂謝政。宸濠變起。一清以林居。疏薦王守仁知兵。又以鎮江為江南首都。此地有備。三吳無虞。遂親閱城設險。出粟賑軍。乃調金山鎮海官兵為外援。設中軍營為內應。故城內外恃無恐。武宗南征。幸其第。君臣宴飲。賡歌詔幸。武林一清婉諫。遂不果行。嘉靖四年。再起總督三邊。後因霍韜上疏毀一清。上疑之。遂乞歸。何○異○山○中○宰○相  
三○黜○三○已○無○愠○稱○賢○而○已○又○能○此○際○設  
險賑軍使三吳無恐以天下為已任謂清為何如  
入○即○  
○時○也  
致○君○為○堯○舜  
○匡○胤○趙○普

斷曰

楊公一清。幼具奇名。恩寵獨隆。群英教成。文生五



彩武著九京茶馬得治荒熟牧平敵臨數萬單騎  
縱橫先聲畏走奏凱回旌修築設衛戰守皆精求  
賢剔弊旌節死榮止索餘寇裕國庇生起廢拔幽  
濟濟彙貞掃氛滌穢如畧蕩惺宸濠叛逆薦賢知  
兵設險預備三吳少驚武宗幸第詩酒和賡論幸  
西湖婉諫尼行再起督邊朝野歡聲

俞大猷

俞大猷其先鳳陽人世為泉百戶大猷髫髻時即倜  
儻以豪傑自命父卒龍衣官學騎射從李良學擊劔盡

○學○萬○人○敵○其術益常山蛇勢以為兵法數起五猶一身五體雖  
○得○其○領○髮○五○花○八○門○變○幻○莫○測○將百萬之眾固可使合為一人也嘉靖中會舉高等

以千戶守金門上書部使者言兵部使者可辱之奪

官大猷笑曰此豈我自見地耶遂盡鬻其家遊京師

以書于翟侍郎鑾翟得書驚歎禮之驚一軍然終不

盡用遷廣東都司會安南叛人欽廉為寇諸司議募

陸兵大猷曰賊由海來當以海舟破之若專備于陸

賊舍此擊彼我不勝其備賊不勝其擊彼逸我勞非

計也乃多集海舟連破之未安萬寧而安南函賊首



以獻矣。倭難作。大猷以南直副總兵戰賊平望。王江  
涇。六金壩皆連捷。而提督張經以視師趙文華言論  
死。大猷因之坐落職。奪祖官。既而東南之禍日亟。復  
大猷浙江鎮守。而大猷言防江必先防海水。兵急于  
陸。兵蓋倭奴長。陸戰令樓船高大。集萬銃其上。倭船  
遇之。輒摧壓焦爛。因我兵所長也。善戰者毋以短擊  
長。而以長制短。且海船無他法。在知風候。齊號令。以  
大舟勝小。以多勝寡耳。於是用舟師戰。而舟由積歲  
不除之賊皆勦矣。盜王直者。門人也。以亡命入海。據

○計○于○必○勝○而○後○戰

窮其穴而

勦其兇

烈港。勾倭貿易。為逋逃主。天子以連歲倭變。皆直故

責督府胡宗憲。令必得之。以自効。宗憲因誘之。大猷

言直在海島。非以贈物誘倭來。在彼國則一逋逃夫

耳。倭之來不來。非關直之誅不誅也。若誘之來而殺

之。則失信。且何以示後。盡請諸宗憲。宗憲不聽。誘以來。天

子聞得直。則大喜。命誅之。于是宗憲恚失信。怏怏曰。

吾為俞帥笑矣。而群倭聞殺直。焚舟殊死戰。大創入

掠閩。宗憲懼。乃奏言大猷違節制。不窮追。以為解。而

大猷逮。詔獄戍邊。未幾。饒平民張璉反。流陷江閩。諸

○大意

○擒賊須擒首

○言○不○信○州○里○何○行

○端○信○視○項○羽○响○鉄



州縣。詔宗憲兼督江廣。合諸道兵二十萬討之。而大猷遷南。慙將宗憲聞。璉出行劫。下檄言賊棄巢出。此自投死。其速擊大猷前。以違節制見劾。得罪欲言。恐禍及。欲不言。恐敗事。已乃曰。吾豈以一身之禍。忘國事哉。乃具言。璉雖離巢出。劫其妻子財寶。乃在巢。若我以大兵迫其巢。彼必聚眾自救。譬之虎方逐鹿。熊據穴而搏其子。虎安得不置鹿而還。還而感之。如拉朽耳。且三省會擊有期。又豈可以數萬之師。從一夫團走哉。于是以兵萬五千人。疾走栢嵩嶺。噉璉巢。璉

果歸保巢。而大猷出擊。俘斬者千餘。乘勝潛使說璉。黨執璉已意。兩廣帥所奪。或請訟之。大猷曰。賊惡其不滅。豈必在已。翌日班師。不殺一人。以示信。陞副總兵。加節鉞。命控制江湖間。廣四道兵。加祖官一級。會倭陷興化。大猷自慙。晝夜馳赴。而戚繼光浙兵尚未至。時上怒督府失泉城。責戰急。而閩士夫又洶洶急。功大猷念賊且萬人。能戰入死地。官軍數僅相當。若迫城攻之。彼實我虛。彼飽我飢。彼逸我勞。一挫而東南之事去矣。不若列營以困之。彼欲攻。柵以遁。則彼



虛我實彼勞我逸彼飢我飽而我師犄角馭之可使  
無了遺且速戰勝亦可遁負亦可遁此賊之利也遲  
則我兵日多賊日益困蓋敵以戰為守我以守為攻  
布陣法於是星布兵營畫地明地利鑿溝令東西通而列柵其上賊  
挑戰不動已竟殲賊防木決諸將各加秩而大猷止賜金幣  
蓋閩士夫詬病其緩已流言聞之朝矣倭二萬寇潮  
州與盜吳平相犄角為廣惠詔移鎮湖廣群盜畏大  
猷各競出降吳平雖不能堅然亦詭移倭自劾遂與  
倭人絕於是大猷請于督府吳桂芳曰陸賊以出邊

為生路山賊以歸巢為生路今潮兵驅賊益深益深  
物窮則變則益以鬪耳是死路也當大集精兵十圍五攻無使  
片甲得還如兵力單若不勝不散之令得遁去則遷  
曠日久而勞費無已也于是將漳兵二萬以來果破  
平而御史以招平為大猷負坐免官吳桂芳抗官于  
朝乃得留二源山袁千里賊據洞如隆房水窩介三  
郡六縣之關而雲溪尤固大猷曰此當誘而聚之者  
也遣王鸞者盛驪從充裨將為死間賊得鸞自安而  
大猷日發兵擊旁諸巢之未下者以趨之諸巢果畢



集雲溪以緩討。乃陽言誅李明過雲溪巢賊出牛酒。  
犒兵須臾兵悉集擊破之。於是賞先登。酬死間而東。  
峒遂平。桂芳上其功云。董五哨十萬之全師。如弈棋。  
着着先手。剪三郡六縣之妖逆。如振落。次次剗平。以  
爲方叔元老之猷云。

斷曰

大猷爲將事必先周陳師鞠旅。肅殺霜秋。陳法常。  
山文經典。丘計無不中言。必盡謀水滅倭氛。陸俘。  
璉。因閩廣莫安漳泉少憂比之。方叔實稱其儔。

明將

湯和字鼎臣。濠人。高帝勅封中山侯。進封信國公。追  
贈東甌王。謚襄武。配享太廟。湯東甌與帝同里。開少  
孤。卓越有大志。及長。多力而善射。率壯士歸附。從帝。  
下采石。定太平。襲和陽。生擒陳也先。奪橋先登。而直  
據其城。十年守常州。設防備禦。而屢走吳師。屹然爲  
東甌保障。平浙東。克西蜀。起自登萊。直抵江浙海上。  
凡築五十九城。迄今父老。歷指烽戍云。湯信公功不  
真。世世不滅哉。微信公吾其鯨鯢食矣。公臨敵果敢。



勇而善斷。舉詔受任。忠爾忘私。真無媿開國賢將哉。  
胡大海。字通甫。直隸虹縣人。高帝封越國公。胡越國  
之爲將也。號令嚴明。攻必克。戰必勝。體愛部曲。撫摩  
遺民。當高帝起義滁陽。公伏策謁轅門。遂爲先鋒。從  
入和州。克采石。下金陵。守婺源。援諸暨。取處州。舉廣  
信。值苗攻徽州。公自婺源還師。兼程而進。大呼殺入。  
復與寧何奮兵破之。誠驍勇絕倫。命世之將哉。嘗自  
誦曰。我本武人。不讀書。然行軍。惟知三事而已。不殺  
人。不擄人。婦女不焚。人廬舍。故軍每出。遠近爭附之。

嗚呼。爲將而果能以三事行軍也。則非徒勇而寡仁  
者矣。所稱王者之師。非乎。

郭英。濠州人。高帝朝封武定侯。成祖贈營國公。謚武  
襄。郭營國。從高起義。宿衛帳中。卽朝。僞漢將陳同。簽  
及從大將軍。北伐中原。而舉通州也。衆請速攻。公謂  
吾師遠來。敵以逸待勞。攻且不利。當乘不意破之。乃  
乘大霧。伏千人于道傍。率精騎抵城下。戰久。佯北。敵  
果追之。截軍爲二。斬首數千。而通州平矣。諸如褻瘡  
力疾。乘舟鏖戰。夜擣擄營而走。擴廓夫且奇謀屢見。



所稱有能之將。非乎。誰謂其鼓壯而無權。史稱同簽之入守將。當誅郭四之功。實由天眷。誠哉是言也。康茂才。蘄州人。初從僞漢。後歸高帝。立功封鄭國公。康鄭國。初以興旅有功。累遷都元帥。與我師戰不利。知天命有在。解甲來歸。頓首言曰。前日之戰。戮力爲王。今日屢敗。亦天数也。事至于此。死生惟命。高帝釋而用之。及降元將扈文明。復遺書給致友諒。以六舟破之于鄱陽。舁小舟越山。據上流。以下蜀矣。齊魯關陝次第削平。隨鎮河中。漢中。節制太原諸城。既有擇

主之智。復有克敵之勲。未可以降將而概左之。凡此皆龍飛名將也。至如革除之將。若張玉。朱能。鄭亨。薛祿。諸君。雖有戰勝攻取之功。總之。稟成筭于立勝。且以靖家難也。

山雲。蘄州人。成祖朝。官指揮使。歷仁宗。宣宗。追封懷遠伯。謚襄毅。山襄毅。廉勇有謀。當溪洞。徭獠。叛服不常。殺戮吏民。歲以萬計。其荼毒我無辜赤子。蓋亦慘矣。襄毅出鎮十餘年。嚴號令。明賞罰。與賊前後十餘戰。每身先之。甘苦與共。人皆致死。力威聲大著。嶺南



無警使生靈安堵得囿熙皞之天者。襄毅之功居多也。他如爲將而奉教于老吏一言。謹持廉操。始終不渝。此其不耻下問。在甲冑之士。則尤難之難矣。余子俊。字士英。四川青神人。登景泰進士。歷英宗憲宗。拜兵部尚書。加太子太保。贈太保。謚肅敏。余肅敏開余公渠於西安城。以便民汲。鑿山瀉斥鹵灌田。千有餘頃。廣榆林城。增添三十六堡。與界外屯。得糧十萬餘石。而榆林始稱重鎮。東渡河連大同。西接寧夏。虜不敢復恣出入。念延慶爲內地。虜屯其中。虜顧居

內。而我列屯守禦。反在其外。爰請東起清水。紫城。砦。西接寧夏。花馬池。東西二千里。築邊牆。立砦堡。依山形。隨地勢。剴削累築。綿引相接。以爲邊牆。自是虜寇益稀矣。公凝重簡默。外和內嚴。經畧必爲百年之計。已而欲推榆林法。盡修大同宣府。而沮於讒忌。竟不能就。惜哉。

周金字子庚。武進人。正德戊辰進士。轉戶部尚書。贈太子太保。謚襄敏。子庚相貌瑰瑋。善議論。每九卿廷議軍機大事。衆輒目屬公。公口對甚辨。聞者心愜。公



善。照。姬。接。下。延。綏。宣。府。兩。鎮。人。皆。心。安。公。因。筭。走。卒。  
 憐。邊。人。之。窘。不。忍。加。鞭。朴。之。條。百。方。措。置。以。時。給。其。  
 食。使。人。有。重。生。之。心。大。同。殺。御。史。為。之。推。父。子。相。愛。  
 之。情。而。反。側。之。心。以。安。大。軍。謀。總。制。為。之。責。諸。屬。剝。  
 削。之。過。而。亂。軍。反。為。請。罪。與。土。人。言。言。讀。書。與。俗。人。  
 言。言。勤。業。莫。不。取。其。有。益。既。貴。自。奉。猶。如。約。時。祀。先。  
 歛。客。備。極。豐。潔。曰。賓。祭。重。事。也。

胡宗憲。徽州人。嘉靖戊辰進士。封太子太保。世廟東。  
 南之亂。浙直閩廣之間。若芟薙然。胡太保詐葉麻手。

書。以。疑。徐。海。得。以。賊。攻。賊。之。法。誘。王。直。納。款。而。殲。大。  
 蠹。得。因。間。反。間。之。謀。他。如。設。伏。以。敗。王。江。先。聲。以。破。  
 乍。浦。載。酒。而。置。毒。其。中。霑。書。而。含。糊。其。詞。醉。夢。而。顛。  
 倒。其。語。皆。所。以。疑。敵。而。納。吾。阱。中。夫。且。調。威。南。塘。劉。  
 草。堂。俞。虛。岡。諸。名。將。以。靖。海。島。以。一。身。寄。諸。藩。之。安。  
 危。當。百。萬。之。兵。甲。有。古。大。將。風。度。此。誠。東。南。之。長。城。  
 也。

俞大猷。號虛岡。其先鳳陽人。世為泉百戶。世宗穆宗。  
 朝。官。都。督。俞。虛。岡。為。將。事。先。每。每。為。慮。周。萬。全。之。計。



既事往往爲善後長久之策。爲人易簡而無町畦。操心有容而善耐忍。忠厚自任。然諾必謹。功則稱人。罪則歸己。董五哨十萬之全師。如奕棋着着先手。剪三郡六縣之妖逆。如振落次次剗平。譚侍郎綸與書謂。誠如霍子孟。任如諸葛亮。大如郭子儀。忠如文文山。毅如于蕭愨。可以託孤。寄命公之大受然也。

劉顯。號草堂。江西南昌人。本姓龔。嘗從劉都督征倭。寇有功。因以劉爲姓。世宗穆宗朝。累陞至都督。劉草堂膂力過人。沉摯而有謀。畧穆皇帝時。與南塘虛別

共督浙兵。大破倭寇于平海。嗣後累征倭虜。而屢建奇勲。計下九絲。而七日報捷。殲厥醜寇。駐兵守禦。屹然公侯之于城矣。特以欲殺關白。構釁日本。似歎容人之量。藉有子如縱。陰爲維持。解息自是。威震華夏。而草堂之功益資。永垂不朽云。

劉縱。顯之子。南昌人。神宗朝。官都督。劉都督以一戰破三峒。再戰克九盤。三戰取石虎。取婁山。四戰奪鉄柱。奔後關。諸軍逼海龍。連月不拔。公至一日而克。其二城破。巢而賊無。唯類征播。以綦江爲首功焉。調征



雲南恢復三宣六衛平羅雄征臨洮。裹鎗百戰。兵不  
挫。劔勦建南。過桐槽。所歷雪峯。諸路盡闕。會蜚語流  
訕。而事遂齟齬。既入衛京師。習用之。蜀兵未至。乃嚴  
督出戰。令輕身以入。網羅夫豈戰之罪哉。

英。管。德。兵。大。越。對。況。干。平。感。國。餘。聚。



